



Վ. Վարդանյան

ԳՎԱՐԴԻԱՅԻ
ԳԵՆԵՐԱԼ-ՄԱՅՈՐ
ՍԵՐԳԵՅ
ԻՍԱՅԵՎԻՉ
ԿԱՐՂԱՊԵՏՅԱՆ

9(47) 1941-1945" 29826.

4-20 Համարներ, 4-9.

7-Համարներ գեներալ-Լայոս

Համարներ: 807





АКАДЕМИЯ НАУК АРМЯНСКОЙ ССР
ИНСТИТУТ ИСТОРИИ

№	МАТЕРИАЛЫ ПО ИСТОРИИ ВЕЛИКОЙ ОТЕЧЕСТВЕННОЙ ВОЙНЫ	7
---	---	---

В. Г. ВАРТАНЯН

ГВАРДИИ ГЕНЕРАЛ-МАЙОР
СЕРГЕЙ ИСАЕВИЧ
КАРАПЕТЯН

ИЗДАТЕЛЬСТВО АН АРМЯНСКОЙ ССР
ЕРЕВАН 1956

ՀԱՅԿԱԿԱՆ ՍՍՌԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
ՊԱՏԵՐԱԶՄԻ ԴԱՏԱԳՐԱԿԱՆ ԻՆՍՏԻՏՈՒՏ

№	ՆՑՈՒԹԵՐ ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ԴԱՏԱԳՐԱԿԱՆ	7
---	--	---

9(47) 27
Կ-30

ՍՑՈՒԳԱՍԾ Է 1981 թ.

Վ. Գ. ՎԱՐԴԱՆՅԱՆ

ԳՎԱՐԴԻԱՅԻ ԳԵՆԵՐԱԼ-ՓԱՅՈՐ

ՍԵՐԳԵՅ ԻՍԱՅԵՎԻՉ
Կ Ա Ր Ա Պ Ե Տ Յ Ա Ն



ՀԱՅԿԱԿԱՆ ՍՍՌԻ ԳԱ. ՀՐԱՏԱՐԱԿԶՈՒԹՅՈՒՆ
ԵՐԵՎԱՆ 1956

29826-
A II
32789

Տպագրվում է Հայկական ՍՍՌ-ի գիտությունների
ակադեմիայի հմբագրական-հրատարակչական
խորհրդի որոշմամբ:



Ն Ն Ր Ա Մ Ա Կ Ա Ն

Կոմունիստական պարտիայի և նրա հանճարեղ առաջնորդ մեծ Լենինի ստեղծած Սովետական Բանակը և Ռազմա-Մովային Նավատորմը իրենց գոյության առաջին իսկ օրերից հավատարմորեն են կատարում Մեծ Հոկտեմբերի պատմական նվաճումների, Սովետական Սոցիալիստական Ռեսպուբլիկանների Միության պետական շահերի պաշտպանների իրենց սրբազան պարտքը։ Նրանք աշխուրջ կերպով կանգնած են կոմունիզմ կառուցող մեր բազմազգ ժողովրդի ստեղծարար աշխատանքի պահակադիրքում և միշտ զգաստ ու պատրաստ են խորտակիչ հարված հասցնելու ամեն մի ագրեսորի, որը կհամարձակվի խախտել Սոցիալիստական մեր հզոր Հայրենիքի խաղաղ կյանքը։ ՍՍՌ Միության Զինված Ուժերը, նրա զինվորներն ու նավաստիները, սերժանտներն ու ավագները, սպաները, գնդալեւներն ու ադմիրալները կռիվել ու առնացել են մեր հզոր Հայրենիքի աղատության ու անկախության համար մղված բազմաթիվ հերոսամարտերում։

Սովետական Միության Զինված Ուժերի ամբողջ պատմությունը, նրա կուռ շարքերում աճած ու դաստիարակված ռազմիկների կյանքն ու մարտական գործունեությունը հանդիսանում են հերոսության, Հայրենիքին անձնուրացաբար ծառայելու և իրենց զորային վսեմ պարտքը արժանապատվությամբ կատարելու վառ օրինակ։

Բազում մարտերում կոփված Սովետական Բանակի անկոտորում ուժը, նրա քաջարի ռազմիկների բարոյաքաղաքական և մարտական անզուգական հատկությունները ավելի վառ ու ցայտուն կերպով դրսևորվեցին 1941—1945 թվականների Հայրենական Մեծ պատերազմում: Կոմունիստական պարտիայի ղեկավարությամբ ՍՍՌ՝ Միության Զինված Ուժերը համաշխարհային-պատմական նշանակություն ունեցող հաղթանակ նվաճեցին մինչև աստամները զինված գերմանական ֆաշիզմի և յապոնական իմպերիալիզմի դեմ: Այդ ահեղ պատերազմում մեր Զինված Ուժերը պաշտպանեցին ոչ միայն Սովետական Հայրենիքի պատիվը, ազատությունն ու անկախությունը, այլև Նվրոպայի ժողովուրդներին փրկեցին ֆաշիստական ստրկացնողներից, իսկ Արևելյան Ասիայի ժողովուրդներին՝ յապոնական զավթիչների լծից:

Հայրենական Մեծ պատերազմը նոր ուժով հաստատեց, որ մեր բանակը նոր տիպի բանակ է, որ նա իրոր ժողովրդական բանակ է, մեր երկրի ազգերի միջև եղբայրության բանակ է, ինտերնացիոնալիզմի ոգով դաստիարակված բանակ:

Երկրորդ համաշխարհային պատերազմի տարիներին ռուս մեծ ժողովրդի և մեր լայնածավալ երկրի մյուս ժողովուրդների ծոցից դուրս ելած ռազմիկների հետ կողք կողքի, ուս-ուսի տված հերոսաբար էին մարտնչում նաև Հայաստանի զավակները՝ հայ զինվորները, սպաներն ու դեներալները: Սրբությամբ կատարելով իրենց հայրենասիրական պարտքը, Սովետական Բանակի ռազմիկները, իսկ նրանց թվում նաև հայ ռազմիկները, արիարար էին մարտնչում ուժեղ կերպով զինված նենգ ու ոխերիմ թշնամու դեմ: Իրենց փառապանծ հրամանատարների ղեկավարությամբ, նրանք ջախջախիչ հար-

վածներ էին հասցնում թշնամուն, չխնայելով իրենց ար-
յունը և բուն խոկ կյանքը:

Հայրենական Մեծ պատերազմի սկզբից մինչև նրա
հաղթական ավարտը գործող բանակի շարքերումն էր
նաև հայ ժողովրդի հավատարիմ զավակ՝ գվարդիայի
դեներալ-մայոր Սերգեյ Իսաևիչ Կարապետյանը: Մշտա-
պես դռնվելով դիվիզիայի հրամանատարի պաշտոնում,
նա հաջողությամբ էր կատարում վերադաս հրամանա-
տարությանից ստացած մարտական ամեն մի առաջա-
դրանք: Բացի ռազմաճակատների մի շարք հատվածնե-
րում կատարած հաջող օպերացիաներից, նրա միավոր-
ման զնդերը ակտիվորեն մասնակցել և աչքի են ընկել
Նեկի, Օսարովի, Տարտուի (Դորսլատ), Ռիդայի աղա-
տադրման մարտերում և Բեռլինի վրա կատարված
պատմական դրոհում: Հենց այդ օպերացիաների մասին
է, որ մենք ցանկանում ենք պատմել այս դրքում:

Սերգեյ Իսաևիչ Կարապետյանը ծնվել է 1899 թվա-
կանի նոյեմբերի 25-ին, արհեստավորի ընտանիքում:
Նրա հայրը անգրագետ, բայց շատ աշխատասեր մարդ
է եղել: Իր լազմանդամ ընտանիքը պահելու համար Իսա-
յի Կարապետյանը թողնում է հաղադատ Զանգեզուրը և
մեկնում է Բաքու, այնտեղից Կրասնովոդսկ, Կզըլ-Ար-
վաթ, Աշխարադ, Կոկանդ: Նա թափառում է քաղաքից-
քաղաք, գյուղից-գյուղ, մեծ գովարույթուններ է քաշում
օրվա պարեն վաստակելու նպատակով:

Սերգեյի մայրը՝ Հերիֆնալը նույնպես անգրագետ
մի դեղջկուհի էր:

Զնայած իրենց չարքաշ կյանքին, Սերգեյի ծնողնե-
րը ոչ մի ջանք չէին խնայում, որպեսզի իրենց զավակը
ուսում ստանա և, ինչպես ժողովուրդն է ասում, մարդ
դառնա:

Սերգեյին կրթություն տալու խնդրով էր մատահոված նաև նրա ավագ եղբայր Կարապետը, որը գտնվում էր Մոսկվայում:

1913 թվականին, 14 տարին հաղիվ բռնորած Սերգոն փոխադրվում է Մոսկվա և այստեղ, իր եղբոր օգնությամբ, մտնում է դպրոց: Ուսման հենց առաջին ամիսներից Սերգոն աչքի է ընկնում որպես ընդունակ և ջանասեր աշակերտ: Չնայած նյութական ծանր պայմաններին, նա դերազանց թվանշաններով է փոխադրվում դասարանից-դասարան:

Սակայն ուսումը անավարտ է մնում:

Մեծ Հոկտեմբերի ծնունդ երիտասարդ Սովետական պետությունը խեղդելու նպատակով, Ռուսաստանի հակառուլություն ուժերը ԱՄՆ-ի, Անգլիայի, Ֆրանսիայի, Յապոնիայի և իմպերիալիստական մյուս երկրների աջակցությամբ, 1918 թվականին քաղաքացիական պատերազմ ծավալեցին: Կոմունիստական պարտիան և Սովետական կառավարությունը բոլոր աշխատավորներին կոչ արեցին ազատագրական պայքարի ելնել ընդդեմ օտարերկրյա զավթիչների: Պարտիայի կոչով և նրա ղեկավարությամբ, մեր երկրի բոլոր ժողովուրդները սրբազան Հայրենական պատերազմի ելան, իրենց հարազատ սովետական կարգերի պաշտպանության համար:

Արձագանքելով պարտիայի և կառավարության մարտական կոչին, հարյուր հազարավոր բանվորների ու զյուզացիների հետ միասին, Սերգեյ Կարապետյանը մտնում է նոր կազմակերպվող Կարմիր Բանակի շարքերը և ռազմաճակատ է մեկնում: Առաջին զորամասը, ուր նրան բախտ է վիճակվում ծառայելու, դա 44-րդ բանվորական պահեստային գունդն էր:

Մարտական մկրտությունը Կարապետյանը ստանում է Արևելյան ռազմաճակատում՝ Պավլովսկայա կոչ-

վող երկաթուղային կայարանի շրջանում: Այդ ժամանակ նա հետախուզիչ դասակի հրամանատարի օգնական էր:

— Մեզ առաջադրանք էր տրված, — պատմում է Սերգեյ Իսակիչը, — ինչ գնով էլ լինի տեղեկութուններ ձեռք բերել այն մասին, թե սպիտակգլարդիականները ինչպիսի ուժեր են կուտակել Պավլովսկայա կայարանում և նրա շրջակայքում գտնվող գյուղերում: Մենք գիտեինք, որ այդտեղ կենտրոնացված էին թշնամու բանակին պատկանող Դուտովի ղորամասերը, բայց նրանց քանակը մեզ հայտնի չէր: Առաջադրանքը դժվարին էր: Ռազմաճակատի ուրող գիծ գոյություն չուներ: Եվ դրա հետևանքով շատ հեշտ էր շրջապատման մեջ ընկնել: Մենք բաժանվեցինք երկու խմբի, որոնցից մեկի պոլսն անցավ ինքը՝ մեր դասակի հրամանատար Մյասոնեդովը, իսկ մյուս խումբը հանձնարարեց ինձ: «Տե՛ս, լեռան ճուտ, — ասաց նա. — քեզ ուլի՛նդ պահիր: Մեր առջև բարդ խնդիր է դրված, բայց մենք պետք է կատարենք այն»: Ես հավաստիացրի նրան, որ ամեն ինչ կարգին կլինի, ու մենք գործի անցանք:

Դեռ գյուղ չհասած, թշնամին մեզ վրա հրացանա-գնդացրային կրակ բացեց: Քանի գնում ավելի ուժեղանում էր այդ կրակը: Սակայն մենք շարունակում էինք առաջ շարժվել: Փամփուշտների սակավության պատճառով սկզբում չէինք պատասխանում հակառակորդի կրակին: Բայց հետո, երբ արդեն բավական մոտեցանք գյուղին, մենք ևս սկսեցինք կրակել: Սկսվեց ուժեղ փոխհրաձգություն: Մեղանից մի քանիսը վիրավորվեցին: Բայց, չնայած դրան, մենք շարունակում էինք առաջ ընթանալ: Գյուղը չհաջողվեց գրավել: Սակայն թշնամու ուժի և քանակի մասին տեղեկացանք գերի վերցված սպիտակգլարդիականներից:

Նրբ վերադարձանք, դասակի հրամանատարը ուժեղ սեղմեց ձեռքս ու ասաց. «Կեցցե՛ս, սեռիկ, հուշներս արդարացրիր: Քեզանից քաջ զինվոր դուրս կդառնա»: Դասակի հրամանատարի այդ խոսքերը ուժեղ ազդեցություն թողեցին ինձ վրա: Նրանք թևավորեցին ինձ և իմ մեջ ավելի մեծ սեր ու եռանդ առաջացրին դեպի ռազմական գործը:

1919 թվականին Ս. Ի. Կարապետյանը նշանակվում է էսկադրոնի հրամանատարի տեղակալ և մասնակցում Ակոտյուրինսկ քաղաքի շրջանում մղված մարտերին: Հետագայում նշանակվում է էսկադրոնի հրամանատար ու այդ պաշտոնում էլ մնում է մինչև 1920 թվականի սկիզբը:

1920 թվականի սկզբներին Սերգեյ Իսախիչին ուղարկում են Բորիսոգլեբսկ «Սովետական հեծելազոր» հրամանատարական դասընթացներում սովորելու:

1921 թվականի վերջերին, հաջողությամբ ավարտելով այդ դասընթացները, Կարապետյանը գործուղվում է Նրևան: Այստեղ նա ծառայության է անցնում հայկական հեծելազորային ղեկավար, որպես դասակի հրամանատար:

Սովետական Հայաստան դալուց անմիջապես հետո Կարապետյանը ձեռնամուխ է լինում իր հրամանատարության տակ դաժնվող ռազմիկների դատախարակության գործին: Կատարելագործելով նրանց ռազմական դիտելիքները, նա ենթականերին դատախարակում է Հայրենիքին, Կոմունիստական սրբաբանության անձնվիրություն, սովետական ջերմ հայրենասիրության ոգով:

Զորային այս միավորումում Կարապետյանը ծանոթանում է այն ժամանակ էսկադրոնի հրամանատար, այժմ Սովետական Միության Մարշալ Իվան Խրիստաֆորովիչ Բաղրամյանի հետ: Նրանց միջև ստեղծվում են բնկերական մտերիմ հարաբերություններ, որոնք հետա-

գայում վերածվում են ջերմ ու սրտագին բարեկամութ-
յան:

Շուտով դասակի հրամանատար Կարապետյանը
դառնում է էսկադրոնի հրամանատարի օգնական, իսկ
որոշ ժամանակ անց՝ էսկադրոնի հրամանատար:

1925 թվականի աշնանը Սերգեյ Իսակիչը գործուղ-
վում է Լենինգրադ՝ ռազմական դասընթացներում սովոր-
ելու: Նույն այդ դասընթացներն է գործուղվում նաև
Իվան Խրիստափորովիչ Բաղրամյանը: Նրանք սովորում
են միասին, միայն տարբեր բաժիններում: Սերգեյ
Իսակիչը ուսանում է էսկադրոնների հրամանատարների
բաժնում, իսկ Ի. Խ. Բաղրամյանը՝ գնդի հրամանատար-
ների բաժնում: Այստեղ նրանք է՛լ ավելի են մտերմա-
նում: Սովորելով ռազմական գործը, միաժամանակ
նրանք ավելի հանգամանորեն ուսումնասիրում են Կո-
մունիստական սլաքտիպի սլատմությունը, տիրապե-
տում մարքսիզմ-լենինիզմի թեորիային:

Դասընթացներն ավարտելուց հետո նրանք երկուսն
էլ Նրևան են վերադառնում: Ի. Խ. Բաղրամյանը նորից
անցնում է գնդի հրամանատարի պաշտոնին, իսկ Կա-
րապետյանը՝ էսկադրոնի: Սակայն դեպի ուսումը եղած
սերն ու ձգտումը հանգիստ չի տալիս ոչ մեկին և ոչ էլ
մյուսին: Միառժամանակ անցնելուց հետո նրանք
որոշում են ինչ գնով էլ լինի, մտնել Ռազմական ակա-
դեմիա, իրենց գիտելիքներն ավելի խորացնելու նպա-
տակով:

1931 թվականին, Ի. Խ. Բաղրամյանը և Ս. Ի. Կա-
րապետյանը հաջողությամբ հանձնում են քննություն-
ները և ընդունվում Մ. Վ. Ֆրոնզեի անվան Ռազմական
ակադեմիան:

Ակադեմիան ավարտելուց հետո, 1934 թվականին
Ս. Ի. Կարապետյանն աշխատանքի է նշանակվում Մերձ-

վոլգյան զինվորական օկրուգում, իսկ 1935 թվականի սկզբներին գործուղվում է Անդրկովկասյան զինվորական օկրուգ: Այստեղ նա նշանակվում է օկրուգի հրամանատարի տեղակալ՝ թիկունքի գծով: Նույն թվականի մայիսին Կարապետյանը դարձյալ վերադառնում է Սովետական Հայաստան և ընդունում հայկական ՁՁ-րդ հեծելազորային գնդի հրամանատարությունը:

Այդ պաշտոնում Կարապետյանը մնում է մինչև 1938 թվականը:

1938 թվականին մայրո Կարապետյանը ուղարկվում է Բելոռուսական զինվորական օկրուգ, որտեղ նշանակվում է հեծելազորային գնդի հրամանատար:

Ծանոթանալով գնդի պատմության հետ, իմանալով այն մասին, որ գտնվել Սովետական Հայրենիքի ազատության ու անկախության համար մղված բազմաթիվ մարտերում անցել է փառավոր ուղի և քաջագործության տնթառամ պսակով է զարդարել իր մարտական դրոշը, Կարապետյանը իր առաջ նպատակ է դնում սրբության մահապանքի ու բազմապատկել պանծալի գնդի մարտական տրադիցիաները:

Իր աշխատանքը նոր պաշտոնում, ինչպես և միշտ, նա սկսում է անձնակազմի ուսումնասիրությունից: Մըշտապես գտնվում է ռազմիկների շրջանում, մոտիկից ծանոթանում նրանց կյանքի ու պահանջմունքների հետ: Հրամանատարներից պահանջում է լայնորեն օգտագործել ռազմիկների անհատական ուսուցման մեթոդը: Մայրո Կարապետյանի հրամանատարության տակ գտնվող գտնվել շուտով աչքի է ընկնում իր մարտական ու քաղաքական պատրաստության բարձր ցուցանիշներով և գովասանքի արժանանում միավորման հրամանատարի կողմից:

1938 թվականին, աշնանային տեսչական ստուգում-

ների ժամանակ նրա գունդը, որպես լավագույնը, ներկայացվում է Բելոռուսական զինվորական օկրուգի զորքերի հրամանորդի ստուգմանը:

1939 թվականի սեպտեմբերի 1-ին ֆաշիստական Գերմանիան հարձակվեց Լեհաստանի վրա: Գերմանական ֆաշիստները նպատակ էին դրել զավթել ամբողջ Եվրոպան, ստրկացնել ժողովուրդներին: Չկարողանալով ընդդիմադրել հիտլերականների ներխուժմանը, Լեհական այն ժամանակվա կառավարությունը և նրա բանակի հրամանատարությունը դեռևս սեպտեմբերի կեսերին լքեցին երկիրը և գլխավորույթ արտասահման փախան: Հիտլերյան հրոսակախմբերը անզուսպ շարժվում էին դեպի Արևմտյան Ուկրաինայի և Արևմտյան Բելոռուսիայի շրջանները, որպեսզի զավթեն նաև դրանք, ստրկացնեն այդտեղ բնակվող ժողովուրդներին և ավելի ընդհուպ մոտենան Սովետական երկրի պետական սահմաններին, սպառնան մեր Հայրենիքի անվտանգությունը:

Նշենելով մեր երկրի պետական շահերից և Արևմտյան Ուկրաինայի ուկրաինացիների ու Արևմտյան Բելոռուսիայի բելոռուսների շահերից, Սովետական կառավարությունը չէր կարող թույլ տալ, որպեսզի հիտլերականները անարգել առաջ շարժվեն դեպի մեր սահմանները: 1939 թվականի սեպտեմբերի 17-ին մեր զորքերին հրաման տրվեց՝ անցնել սովետա-լեհական սահմանը և եղբայրական օգնության ձեռք մեկնել Արևմտյան Բելոռուսիայի ու Արևմտյան Ուկրաինայի բնակչությանը:

ՍՍՌ Միության Զինված Ուժերի ռադիկները պատվով կատարեցին պետության առաջադրանքը: Աղատա-

լար զորազնդերի մարտական շարքերումն էր գտնվում նաև մայոր Կարապետյանի գունդը:

Օրական մոտ 100 կիլոմետր ճանապարհ անցնելով, արիարար տոկալով զորային կյանքի դժվարությունները, այդ զնդի ռազմիկները, մյուս զորամասերի հետ միասին, հաղթական ելքով առաջ էին շարժվում:

Նրբ սովետական զորազնդերը հասան Բուզ գետին, նրա վրայով անցնող բոլոր կամուրջներն արդեն պայթեցված էին: Կարապետյանը, առանց երկար տատանումների, որոշում է ընդունում լողալով անցնել գետը: Այդ որոշումն անմիջապես ի կատար է ածվում: Գնդի անձնակազմը լրիվ հանդերձանքով սկսում է գետանցը:

— Բե՛հ՝ հրամանատարները և թե՛ զինվորները, — պատմում է Կարապետյանը, — այդ պատասխանատու պահին այնքան կազմակերպված ու հստակ էին դորժում, որ գունդը մարդկային ոչ մի զոհ և ոչ էլ տեխնիկայի կորուստ չունեցավ: Այն ժամանակ, երբ մյուս զորամասերը սպասում էին պոնտոնային գետանցների պատրաստմանը, մեր ռազմիկները արդեն անցել էին Բուզի հարավ-արևմտյան ափը:

Մարտական առաջադրանքը հաջող կատարելու համար Կարապետյանը պարզեցատրվում է Կարմիր Դրոշի շքանշանով:

1940 թվականի սկզբներին Ս. Ի. Կարապետյանին շնորհվեց զնգապետի կոչում: Նա նշանակվեց մոտո-մեխանիզացված զնդի հրամանատար: Այդ պաշտոնում նա մնաց մինչև 1941 թվականի հունիսի 19-ը: Հունիսի 19-ին, Հայրենական Մեծ պատերազմը սկսվելուց երկու օր առաջ, Սերգեյ Իսաևիչը նոր նշանակում է ստանում: Նրան ուղարկում են Սովետական Հատվիա, որտեղ նա ստանձնում է լատիշական դիվիզիայի հրամանատարի տեղակալի պաշտոնը:

1941 թվականի հունիսի 22-ին ֆաշիստական Գերմանիան ուխտագրուժ կերպով, առանց պատերազմ հայտարարելու հարձակվեց մեր երկրի վրա: ՍՍՌՄ-ում սոցիալիստական խաղաղ շինարարությունն ընդհատվեց: Սկսվեց ժողովրդի Հայրենական Մեծ պատերազմը հիտլերյան զավթիչների ու նրա գործակիցների դեմ:

Կոմունիստական պարտիան և Սովետական կառավարությունը նենգ թշնամուն հակահարված տալու և նրան լիովին ջախջախելու համար ձեռնարկեցին անհրաժեշտ միջոցառումներ: Անմիջապես ռազմական ձեռնարկվեց մեր երկրի ժողովրդական տնտեսությունը: Ռազմաճակատի կարիքներն ու պահանջները բավարարելու համար ՍՍՌՄ ամբողջ արդյունաբերությունը կարճ ժամանակամիջոցում անցավ ռազմական արտադրանքի թողարկմանը:

Հայրենական Մեծ պատերազմի այդ դաժան օրերին մեր Հայրենիքի աշխատավորությունն է՛լ ավելի սերտորեն համախմբվեց Կոմունիստական պարտիայի և Սովետական կառավարության շուրջը, ավելի կուռ դարձավ ՍՍՌՄ ժողովուրդների բարեկամությունը, բանվոր դասակարգի և կոլտնտեսային գյուղացիության դաշինքը:

Ամբողջ երկիրը վերածվեց ռազմական անառիկ ամբողջի: «Ամեն ինչ հաղթանակի համար» բառերը շուրթերին ռազմաճակատ մեկնեցին բանվորներն ու գյուղացիները, զիտության, կուլտուրայի և արվեստի աշխատողները:

Օրավուր բազմապատկվում էին Հայրենիքի անկախության, պատվի և ազատության համար մարտնչելու պատրաստ սովետական հայրենասերների շարքերը:

Ամենուր տեղի էին ունենում բազմամարդ միտինգ-

ներս: «Մեր գործն արդար է: Թշնամին կջախջախվի: Հաղթանակը մերը կլինի»,— այս խորիմաստ բառերով էին վերջացնում իրենց ելույթները սովետական մարդիկ գործարաններում և ֆաբրիկաներում, սովխոզներում և կոլտնտեսություններում, հիմնարկներում և Սովետական Բանակի զորամասերում տեղի ունեցող ժողովներում:

ԱՌԱՋԻՆ ԳՈՏԵՄԱՐՏԸ

Հունիսի 22-ի լույս 23-ի գիշերը լատիշական դիվիզիան մարտական առաջադրանք է ստանում և վաղ առավոտյան շարժվում է դեպի Օստրով քաղաքը:

Թշնամու օգային հարվածներից խուսափելու համար դիվիզիան մարտական երթը կատարում է գիշերով: Հունիսի 25-ին, առավոտյան ժամը 4-ին, երբ միավորումը մոտենում էր № բնակավայրին, նպատակ ունենալով գիշերային ծանր երթից հետո այնտեղ հանդատանալ, բոլորովին անսպասելիորեն ընկնում է թշնամու ուժեղ կրակի տակ:

Դիվիզիայի հրամանատար ղեկավար Տուպիկովը հրամայում է բացաղատել զնդերը և ընդունել հանդիպական գոտեմարտը: Անհրաժեշտ էր դրավել այն բնակավայրը, ուր բուն էին դրել գերմանական զորքերը: Վաղ առավոտից մինչև ուշ երեկո տեեց այդ ծանր ու արյունալից կռիվը: Սովետական զորազնդերը մեծ կորուստներ պատճառեցին գերմանացիներին:

Մարտի ընթացքում դիվիզիայի հրամանատարը որոշում ընդունեց շրջանցել թշնամուն, դուրս գալ նրա թիկունքը և թիկունքից գրոհել նրա վրա: Կարապետյանին հանձնարարվեց հետախուզել շրջանցման ուղին ու այդ ուղիով տանել երկու գունդ, ինքը դիվիզիայի հրամանատարը, պետք է գործեր ճակատից դեպի իր կողմը քաշելով հակառակորդի պլիավոր ուժերը:

Այսպիսի գոտեմարտի վճռական փուլը: Կարապետ-
յանի զլխավորութեամբ ստորաբաժանումները ծառա-
խիտ խճուղիներով շտապում էին դեպի թշնամու թի-
կունքը:

Այդ կուսական անտառներով առաջանալը, անսխալ
կողմնորոշվելը, զնդերը ճիշտ ուղիով տանելը հեշտ խըն-
դիր չէր: Այդտեղ յուրաքանչյուր թիվուտ մահ էր սպառ-
նում: Սակայն առջևում ունենալով համարձակ մարտիկ-
ներից կազմված մի հետախուզիչ վաշտ, որն այդ եր-
կարածիգ զորատյան համար աչք ու ականջ էր հանդի-
սանում, զնդապետ Կարապետյանը համարձակորեն
առաջ էր տանում զորասյուներ: Միաժամանակ նա ան-
ընդմեջ կապ էր պահպանում դիվիզիայի հրամանատա-
րի հետ և զեկուցում իր գործողութունների մասին:

Բայց ահա կապը կտրվեց:

— Վեներա... Վեներա... Ես Յուպիտերն եմ... Ես
Յուպիտերն եմ... Անցնում եմ ընդունման... Անցնում եմ
ընդունման...

Խիտ անտառներից թշնամու գլխի վրայով դեպի
դիվիզիայի հրամանատարը տարածվող ռադիոալիքների
այս ազդականչերը մնացին անպատասխան: Դիվիզիա-
յի հրամանատարի շտաբային մեքենան ընկել էր թշնա-
մու տականհտային կրակի տակ: Ականի ուղղակի հար-
վածով սպանվել էր զնդապետ Տուպիկովը: Գնդապետին
ուղեկցող մարդկանցից միայն մեկ սպա հրաշքով կեն-
դանի էր մնացել, որը և պատմել էր պատահածի ման-
րամասնությունները:

Կարապետյանը, առանց երկար մտածելու, իր վրա
է վերցնում դիվիզիայի հրամանատարությունը: Կապը
զնդերի միջև վերականգնվում է և դիվիզիան շարունա-
կում է մարտը:

Ջախջախելով թշնամու դիմադրությունը, դիվիզիան
դուրս է գալիս Պսկով քաղաքի շրջանը և այստեղ միայն

կարողանում է կապվել վերադաս հրամանատարության հետ Կարապետյանն անմիջապես մեկնում է ռազմաճակատի շտաբը: Անձամբ լինում է ռազմաճակատի հրամանորդ Սովետական Միության Մարշալ Ն. Ֆ. Վատուտինի մոտ և հրաման է ստանում շարժվել դեպի Դնո քաղաքը՝ գեներալ-լեյտենանտ Մորուզովի միավորման ղորքերին միանալու նպատակով:

Ծավալվում են կատաղի մարտեր Լենինգրադի պաշտպանության համար: Կարապետյանի ղիվիզիան առաջադրանք է ստանում անցնել Շենոլ գետը, դուրս գալ թշնամու թիկունքը և գերմանացիներին հարվածել թիկունքից:

Չնայած դժվարին պայմաններին, ղիվիզիան մարտական հրամանը կատարում է հաջողությամբ: Դուրս գալով թշնամու հարձակվող ղորքերի թիկունքը և անսպասելի հարված հասցնելով նրան, սովետական ռազմիկները խոշոր կորուստներ են պատճառում գերմանացիներին: Այդ դատկմարտում ղիվիզիան թշնամուց խլում է ալիկի քան 200 ալտոմեքենա, 320 հրաքան, 37 թընդանոթ և ուրիշ ռազմաավար:

Հաջող կերպով կատարելով մարտական առաջադրանքը, ղիվիզիան հրաման է ստանում անցնել Ստարայա-Ռուսսա քաղաքի պաշտպանությանը:



Գերմանացիներն առաջ էին շարժվում դեպի Լենինգրադ:

Սովետական ղորքերը որպես պատենշ կանգնեցին Ստարայա-Ռուսսայի մատույցներում և, համառորեն պաշտպանելով քաղաքը, կործանիչ հարվածներ էին հասցնում թշնամուն:

Ստարայա-Ռուսսայի համար մղված համառ մարտերում ռուսի բեկորով Կարապետյանը վիրավորվում է:

Վերքը բռնեց ինչպես համար նրան փոխադրում են բժշկա-տանիտարական դոմարտակ, իսկ այնտեղից էլ մոտակա ղինվորական գոսպիտալը:

Դա տեղի ունեցավ 1941 թվականի հոկտեմբերին՝ մեր Հայրենիքի համար ամենածանր ու դաժան օրերին: Այն ժամանակ, երբ գերմանական զորքերը շարժվում էին դեպի Մոսկվա:

Կարապետյանի համար հեշտ չէր այդ տապնապալից օրերին թողնել ռուսի դաշտը: Մեծ դժվարություններ առաջացնում էր լատիշական դիվիզիայից, որտեղ բոլորը ճանաչում և սիրում էին նրան:

Նույն տարվա դեկտեմբերին գնդապետ Կարապետյանը դեռ լիովին չապագինված դուրս է գրվում գոսպիտալից և գործուղվում Ուֆա՝ Կարմիր Բանակի Գլխավոր շտաբի կարճատև դասընթացներում սովորելու:

Դասընթացներում հաղիվ երեք ամիս մնալուց հետո Սերգեյ Իսակիչը ուղարկվում է խարկովի մարզի Ստարոբելսկ քաղաքը: Այստեղ նրա առաջ խնդիր է դրվում կազմավորել մի նոր հրաձգային դիվիզիա և համապատասխանորեն պատրաստել այն գալիք մարտերին մասնակցելու համար:

Դիվիզիայի անձնակազմի մարտական նախապատրաստումը Կարապետյանը սկսում է հենց նրա կազմավորման առաջին օրերից: Կազմակերպվում են թե՛ ցերեկային և թե՛ գիշերային պարապմունքներ: Ռազմիկները ջանասիրաբար ձեռնամուխ են լինում ռազմական տեխնիկայի ուսումնասիրմանը: Մարտական իրադրությունները առավել մոտեցված տակտիկական պարապմունքներում նրանք գործում են հստակ ու համարձակ, ամեն ինչ կատարում են այնպես, ինչպես իսկական մարտում:

Վարժվում են հրաձգություն, խրամատավորման ու քուղարկման մեջ, օրը-օրին բարձրացնում իրենց մարտական վարպետությունը, կոփվում ֆիզիկապես:

Ստարոբելսկից դիվիզիան տեղափոխվում է Վորոնեժի մարզի Բորիսովկերսկ քաղաքը: Այստեղ ավարտվում են 174-րդ հրաձգային դիվիզիայի կազմավորման բոլոր աշխատանքները: Դիվիզիայի մարտական պատրաստականությունը ստուգում է Սովետական Միության Մարշալ ընկեր Կ. Ն. Վորոշիլովը և բարձր գնահատական է տալիս:

ՄՍՐՏՆՐ ԿՍՐՍՍՅԱԿԻ ՀԱՄԱՐ

1942 թվականի հունիսին Վորոնեժի ռազմաճակատում գերմանա-ֆաշիստական զորքերին հաջողվեց խցկվել մեր պաշտպանության մեջ և սլաքդարմ ստեղծել Դոն գետի ձախ ափին: Մի գիշերվա ընթացքում հիտլերականներն այստեղ կենտրոնացրին մեծ ուժեր՝ տանկեր, հրետանի և ռազմական այլ տեխնիկա: Ականապատեցին գետի իրենց գիւրքերը տանող բոլոր խճուղիներն ու ճանապարհները: Իրենց պաշտպանագծի շուրջը խրամատներ փորեցին: Ավելի վտանգավոր ուղղություններում նրանք մշտական կրակակետեր ստեղծեցին, գետնի մեջ թաղելով իրենց միջին ու ծանր տանկերը:

Խոշոր նշանակություն տալով այդ բնագծին, թշնամին նպատակադրվել էր հիմնավորապես ամրապնդվել այդտեղ և իր զլխավոր ուժերը կենտրոնացնելուց հետո շարունակել հետագա առաջընթացը գետի մեր երկրի հարավը: Նրանք, ինչպես պարզվեց մեր հետախուզական տվյալներից, այստեղ էին կենտրոնացրել Հիտլերի տրամադրության տակ գտնվող 75-րդ կադրային դիվիզիան:

Վորոնեժի ռազմաճակատի հրամանատարությունը սրտշում ընդունեց անհապաղ կտրել մեր պաշտպանության մեջ խցկված գերմանական զորքերի ելուստը և թշնամուն շարտել Դոն գետը։ Այդ դժվարին խնդիրը կատարելու համար Սովետական Բանակի Գլխավոր Հրամանատարությունը կազմակերպեց հետևազորի, հրետանու, տանկերի և ավիացիայի սերտ համագործակցություն։

Սկսվեցին դաժան մարտեր։ Զախջախիչ հարվածներ հասցնելով թշնամու թևերին, մեր զորամասերը հետըզհետե սեղմում էին կիսաշրջանի մեջ առնված ֆաշիստներին։

Վճռական մարտերը սկսվեցին հուլիսի 20-ի լուսաբացին։ Գործելով ռազմաճակատի հատվածներից մեկում, Կարապետյանի դիվիզիայի անձնակազմը սրընթաց գրոհեց գերմանացիների վրա, հիտլերականները փախչելու ելք չունեին։ Նրանք կամ պիտի անձնատուր լինեին, կամ էլ թափվեին Դոն գետը։ Պետք է ասել, որ շատ քիչ գերմանացիների հաջողվեց ազատվել այդ անեկանելի դրությունից։ Սովետական ռազմիկները համառորեն գրոհում էին թշնամու դիրքերը։ Գնդերից մեկի հրամանատար՝ փոխգնդապետ Վասիլևը ծանր վերքից արյունաքամ լինելով, շարունակում էր հրամաններ արձակել, ղեկավարել մարտը։ Փոխգնդապետ Վասիլևին ղինվորները ուժով դուրս բերին մարտի դաշտից։ Ճիշտ այդպես էր դործում նաև ավագ քաղզեկ Չուվաշովը։ Նա ոչ մի ուշադրություն չէր դարձնում ստացած վերքերին և շարունակում էր մնալ մարտադաշտում, իր անձնական օրինակով ոգեշնչելով զումարտակի անձնակազմին։ Ինչպես և միշտ, իրենց տոկունությամբ ու քաջարիությամբ աչքի էին ընկնում կոմունիստ ու կոմերիտական ղինվորները։

Այդ ծանր ու արյունալի գոտեմարտն ավարտվեց փայլուն հաղթանակով: Դիվիզիան ոչնչացրեց մեր պաշտպանության մեջ առաջացած հիտլերականների ելուստը և ազատագրեց Պետրոպոլիովսկի բնակավայրը: Սակայն խնդիրը դրանով չէր լուծվում: Անհրաժեշտ էր թշնամուց ետ խլել նաև Կարատայակը:

Դիվիզիան առաջադրանք ստացավ մի գոտեմարտակալով Դոնն անցնելու ցույց կազմակերպել, որպեսզի իր կողմը դրավի թշնամու ուշադրությունը: Այդ ժամանակամիջոցում հարևան զորամասերը սկսեցին թեման հակառակորդին՝ աջ թևից հարված հասցնելու համար: Սակայն մարտի ընթացքում իրադրությունը փոխվեց: Կարապետյանը բանակի հրամանատարությունից թույլտվություն ստացավ իր դիվիզիայով դրավել Կարատայակը ու մարտի մեջ մտցրեց դիվիզիայի ամբողջ անձնակազմը:

Մինչև հարևան զորամասերը գետանցներ պատրաստեցին և սկսեցին փոխադրվել գետի աջ ափը, 174-րդ դիվիզիայի ռազմիկներն արդեն գտնվում էին այնտեղ և, հարվածելով թշնամուն, առաջ էին շարժվում դեպի Կարատայակ:

Ահա թե ինչ է պատմում այդ օպերացիայի մասին Կարապետյանը.

— Կարատայակի ազատագրման օպերացիան հաջող կատարելու համար մենք նախապատրաստվեցինք՝ հաշվի առնելով բոլոր հանգամանքները: Թշնամու հակադրոհներից պաշտպանվելու նպատակով ռեզերվ առանձնացվեց: Գնդերի հրամանատարներին մանրամասնորեն ծանոթացրի օպերացիայի պլանի ու վերջնական նպատակի հետ: Գետն անցնելու համար մենք օդաազդործեցինք մեր ձևաքի ու տրոմադրություն տակ եղած բոլոր միջոցները: Ոմանք անցան սովորական տախտակների օգնությամբ, ոմանք՝ գերանների, դռնի-

րի, շատերը՝ լվացքի տաշտերի: Անձնակազմի զգալի մասը գետն անցալ լողալով:

Կարատայակի համար մզված կատաղի մարտերում գերմանացիները մեծ կորուստներ կրեցին: Գլխովին ջախջախվեցին գերմանական դուված 75-րդ դիվիզիան, տանկերով հաղեցված մեկ էսէսական գունդ և մարտական տեխնիկայով լավ հաղեցված ուրիշ շատ ստորաբաժանումներ:

Պարսությունից գաղաղած ֆաշիստներն անցան հակադրոհների նրանք ցանկանում էին Կարատայակը հտ գրավել, բայց իրենց նպատակին չհասան:

Մոտ երկու ամիս անընդհատ հակառակորդը դրոհում էր սովետական զորքերի վրա: Նրանք հարյուրավոր տանկեր էին մարտի նետում, ռմբակոծում օդից, բայց սովետական քաջասիրտ ռազմիկների մարտական ոգին չէին կարողանում ընկճել: Մի օր դիվիզիայի պաշտպանական դիրքերի վրա դրոհեց 150-ից ավելի գերմանական տանկ: Մեր զինվորները չսարսեցին: Գործի դնելով հակատանկային սլաքարի բոլոր միջոցները, նրանք խփեցին ու հրկիզեցին թշնամու ավելի քան 50 տանկ: Հիտլերականների անվնաս մնացած տանկերը կրկնակոխ հտ դարձան ու հեռացան մարտադաշտից: Դա մի անմոռանալի տեսարան էր: Լայնարձակ հարթավայրի մի փոքր հատվածում կողք-կողքի խարույկների պես բոցկլտում էին ֆաշիստական մեքենաները:

Այդ գոտեմարտում ամենից ավելի աչքի ընկան դընդապետ Դոբշչիկովի, փոխգնդապետ Ռոմանենկոյի զորամասերի անձնակազմերը, ինչպես նաև հայ դիվոր Ասլան Սարիբեկյանը, վրացի Դեոդի Կիրիկաշվիլին, ադրբեջանցի Ալեքսեյ Աղաևը և շատ ուրիշ քաջ ռազմիկներ, որոնք համարձակորեն դուրս էին թռչում խրամատներից, սողեսող մոտենում տանկերին

ու նոնականերով, կամ շշերով լիքը դյուրավառ հեղուկով հրկիզում թշնամու մեքենաները:

Կարատայակը գրավելու գործողությունը հաջող կատարելու և մոտ երկու ամիս թշնամու կատաղի դրոհներից այն քաջաբար պաշտպանելու համար, միավորման անձնակազմի ղեկավի մասը սլարգևատրվեց կառավարական շքանշաններով ու մեդալներով:

Այդ նշանավոր օպերացիան հաջողությամբ իրականացնելու համար 174 հրաձգային դիվիզիան է ալցնելում ռազմաճակատի հրամանորդ Սովետական Միության Մարշալ Ն. Ֆ. Վասուտսինը և անձնակազմին շնորհափորում ձեռք բերած հաջողությունների համար: Նա սրբապատկերում է գնդապետ Կարապետյանին և միջնորդություն հարուցում դիվիզիային «Գլարդիա» պատվաճառով կոչում շնորհելու մասին: Դիվիզիայի հրամանատար գնդապետ Կարապետյանը ներկայացվում է Կուսուղսովի 2-րդ աստիճանի շքանշանի պարգևատրման: Նրան շնորհվում է գեներալ-մայորի զինվորական կոչում: 1942 թվականի հոկտեմբերին թերթերում տպագրվում է հետևյալ հաղորդագրությունը.

«Գերմանական զավթիչների դեմ Հայրենիքի համար մղված մարտերում ցուցաբերած խիզախության, սովորականության, արիության, կարգապահության և կազմակերպվածության համար, անձնակազմի հերոսության համար՝ 174-րդ հրաձգային դիվիզիան վերափոխվում է 16-րդ գլարդիական հրաձգային դիվիզիայի: Հրամանատար՝ գեներալ-մայոր Ս. Ի. Կարապետյան: Վերափոխված դիվիզիային հանձնվում է Գլարդիական Դրոշմ»:

Հանգստի և համալրման համար միավորումը դուրս է բերվում առաջավոր զծից: Համալրում ստանալուց հետո այն փոխադրվում է Կալինինյան ռազմաճակատ մասնակցելու Վելիկիյե Լուկի քաղաքի համար մղվող մարտերին: 1942 թվականի նոյեմբերի սկզբներին դիվի-

զիւս է ժամանում երրորդ բանակի ռազմական սովետի ներկայացուցիչը՝ դիվիզիային Գլխարդիական Դրոշ հանձնելու:

Այդ հանդիսավոր ակտը տեղի ունեցավ Կալինինյան մարզի ծառախիտ անտառներից մեկում:

Դիվիզիայի ամբողջ անձնակազմի ներկայութեամբ Կարապետյանն ընդունում է Գլխարդիական Դրոշը և երդվում է այն պահպանել աչքի լույսի պես, սրբութեամբ կատարել Սովետական Հայրենիքի, Կոմունիստական պարտիայի յուրաքանչյուր մարտական առաջադրանք:

— Այն բնագծում, ուր պաշտպանութեան է կանգնած «Գլխարդիան», այնտեղ չի կարող առաջ անցնել ոչ մի գերմանացի: Այն հատվածում, ուր հարձակվում է «Գլխարդիան», դիմադրել չի կարող ոչ մի գերմանական զորամաս:

Կեցցե՛ սովետական անպարտ «Գլխարդիան»:

Կարապետյանն այս սրտառու լռութեամբ վերջացրեց Գլխարդիական Դրոշն ընդունելու պահին արտասանած իր հուզիչ ճառը: Նա ծնկաչոք համբուրում է Դրոշը և ասլա ընդունում ռազմական արիւթյան այդ ոգեշնչող խորհրդանիշը:

Գլխարդիական Դրոշը հանձնվում է դիվիզիայում իր հերոսութեամբ հուշակված գումարտակի հրամանատար մայոր Ֆիլատովին: Հանդիսավոր քայլերդի նվազակցութեամբ մայոր Ֆիլատովը Դրոշը անց է կացնում անձնակազմի շարքերի առջևից, որպեսզի ռազմիկներից յուրաքանչյուրը խորապես զգա այն մեծ պատիվը, որին միավորումը արժանացել է իր մարտական խիզախ գործողութուններով:

Հաջորդ առավոտ, երբ դեռ նոր էր լույսը բացվել, Գլխարդիական Դրոշն անցավ զնդից-գունդ, գումարտակից-գումարտակ: Նրա շուրջը կազմակերպվեց խոշոր քաղաքական-դաստիարակչական աշխատանք: Հրամա-

նատարները, քաղաքական և սլարտիական աշխատողները, ազիտատորները գիվիզիան նոր համալրած զինվորներին մանրամասն բացատրում էին, թե ինչպիսի թանկ գնով է ձեռք բերվել այդ ոսկեզօծ տառերով ասեղնագործված Դրոշը, թե որքան հերոս մարտիկներ արյուն են թափել և զոհել իրենց կյանքը, գիվիզիայի պատիվը բարձր պահելու և հայրենի հողը թշնամուց ազատագրելու համար: Նրանք ռազմիկներին կոչ էին անում միշտ հավատարիմ լինել միավորման մարտական տրադիցիաներին, Հայրենիքին տված զինվորական երգմանը, պատվով ու արժանապատվությամբ կատարել իրենց ղորային պարտքը:

Այդ օրերին գիվիզիայի ղեկերից, գումարտակներից և վաշտերից գվարդիայի գեներալ-մայոր Կարապետյանի հասցեով ստացվում են տասնյակ ողջույնի նամակներ, շնորհավորանքներ: Դիվիզիայի ամբողջ անձնակազմը ուրախանում է նաև նրանով, որ իրենց հրամանատարը սլարդեատրվել է Կուտուզովի երկրորդ աստիճանի շքանշանով և արժանացել ղեկերալի կոչման:

«Դիվիզիայի քաղբաժնի աշխատողները, — գրված է նամակներից մեկում, — շնորհավորում են Ձեզ Կուտուզովի 2-րդ աստիճանի կառավարական բարձր սլարդեատանալու կապակցությամբ և ցանկանում են Ձեզ էլ ավելի հաջողություններ գերմանա-ֆաշիստական զավթիչների դեմ մղվող հետագա մարտերում»:

Մի ուրիշ շնորհավորական նամակում ասված է.

«638-րդ գվարդիական հրաձգային ղեկի կոմունիստները շնորհավորում են Ձեզ, ընկեր գվարդիայի գեներալ-մայոր, Կուտուզովի 2-րդ աստիճանի շքանշանով սլարդեատրվելու առթիվ:

Այն ժամանակ, երբ ֆաշիստական հորդանքները գրոհում էին մեզ վրա, ղեկի կոմունիստները հերոսաբար ջախջախում էին թշնամուն: Մենք ահ ու սարսափ տա-

բաժնեյինք պերմանական ղորքերի շարքերում: Սովետական կառավարությունը, Կոմունիստական պարտիան ըստ արժանիւնյն գնահատեցին մեր ռազմի աշխատանքը: Մեր միավորմանը շնորհիւնց գվարդիականի բարձր կոչում: Մենք խոստանում ենք առաջիկա մարտերում ավելի ուժեղ հարվածներ հասցնել ֆաշիստական զավթիչներին: Մենք սրբությամբ կկատարենք մեր զորային վսեմ պարտքը մայր-Հայրենիքի հանդեպ: Գնդի պարտիական կազմակերպությունը կանի այն ամենը, ինչ որ անհրաժեշտ է մարտական բոլոր առաջադրանքները հաջողությամբ կենսադործելու համար:

Մա'հ պերմանական օկուպանտներին»:

Այս նամակի տակ ստորագրել են 100-ից ավելի շքանշանակիր կոմունիստ-ռազմիկներ, որոնք միշտ էլ եղել են արյունահեղ մարտերի առաջավոր գծում, ռազմաճակատի ամենապատասխանատու և դժվարին հատվածներում:

Այդ օրերին դեներալը հարյուրավոր նամակներ է ստանում ղինվորներից, սերժանտներից և սպաներից, նամակներ ու հեռագրեր են գալիս նաև թիկունքից՝ հարազատներից ու ընկերներից:

ՊՏԱԽԻՆՅԱՆ ԲԱՐՁՈՒՆՔԸ

Դիվիզիան գտնվում էր Կալինինյան ռազմաճակատում՝ Վելիկիե Լուկի քաղաքի մոտերքում:

Աշուն էր: Անձրևային անընդհատ տեղումները ավելի էին բարդացրել ռազմաճակատային պայմանները:

Սովետական զորամասերին կորուստներ հասցնելու համար, թշնամին դիմում էր ամեն մի նենգ միջոցի: Գերմանական սավառակների անընդհատ հարձակումները և հրետանային ու ականանետային հարատե կրակը հանգստություն չէին տալիս առաջավոր գծում գտնվող մեր զորքերին:

Շուտով գիվիլիան առաջադրանք ստացավ գրավել Չերնոզյոմ կայարանը: 1942 թվականի նոյեմբերի 25-ին գիվիլիայի զորամասերը գրոհեցին Գարեկովո, կաստելովո, Մաշուտիկինո բնակավայրերը:

Թշնամին կատաղի գիմադրություն էր ցույց տալիս: Նա կառչում էր յուրաքանչյուր բարձունքից ու շենքից, սակայն գլխարդիականների ճնշումը զսպել չէր կարողանում:

Գիվիլիան պատվով կատարեց իր մարտական առաջադրանքը՝ կարճ ժամանակամիջոցում գերմանաֆաշիստական զավթիչներից ազատագրեց Չերնոզյոմ կայարանը: Այգալիսով, Վելիկիե Լուկիում գտնվող գերմանական կայազորը շրջապատվեց: Օղակը ճեղքելուն ուղղված հիտլերականների բոլոր փորձերն ապարդյուն անցան:

Գլխարդիական գիվիլիայի զորազնդերը չէին կարող հանգստանալ ձեռք բերած նվաճումներով: Հիտլերականների դիրքերը ռազմաճակատի այդ հատվածում ավելի շահավետ էին: Նրանց ձեռքին էր գտնվում ռազմական խոշոր նշանակություն ունեցող Պտախինյան բարձունքը: Այնտեղից ֆաշիստների համար լավ տեսանելի էին մեր զորքերի մարտակարգերը և, անգամ 6—8 կիլոմետր խորություն վրա գտնվող, թիկունքը:

Այդ բարձունքը գերմանացիները բառիս բուն իմաստով գրահապատել էին մետաղից և ցեմենտից պատրաստված մշտական կրակակետերով: Նրանք թաղվել էին մեծ խորություն ունեցող խրամատներում: Բարձունքի վրա գտնվող դպօտերը ութից-տաս շերտ ծածկեր ունեին: Նրանց պաշտպանագծի առաջանգրով հռաշար լարափակոցներ էին անցկացված, որոնցից յուրաքանչյուրը իր հերթին ուներ 2—3 գիծ: Լարափակոցների միջև ընկած տարածությունը ամբողջովին ականապատված էր:

Սովետական զորքերի դրուժյունը ռազմաճակատի այդ հատվածում ավելի շահավետ դարձնելու համար անհրաժեշտ էր անսլացման խլել այդ բարձունքը հիտլերականներից:

Կարասետյանը հատուկ ղեկուցադրով դիմեց վերադաս հրամանատարությանը, խնդրելով, որ Պտախինյան բարձունքի գրավումը հանձնարարեն իր միավորմանը:

Վերադաս հրամանատարությունը հավանություն տվեց Կարասետյանի նախաձեռնությանը:

Սկսվեցին նախապատրաստական աշխատանքները: Ինչպես միշտ, այնպես էլ այս անգամ, առաջինը գործի անցան հետախույզները:

Ռազմաճակատի այդ հատվածում մերոնք հրկսոր ժամանակ չէին կարողանում «լեզու» ձևով բերել: Գեներալն անձամբ գնաց հետախույզների մոտ: Բացատրեց իրադրությունը և պահանջեց ինչ գնով էլ լինի «լեզու» բերել: Միաժամանակ նա հետախույզներին սլարտավորեցրեց մանրամասն ուսումնասիրել գերմանացիների ամրությունների բնույթը, ճշտել Պտախինյան բարձունքի վրա գտնվող հիտլերականների քանակը, սպառազինությունը:

— Առաջադրանքը դժվարին է, — ասաց գեներալը, — սակայն սլատվալոր: Ձեզ սպասում են ծանր ու վտանգավոր փորձություններ, դուցե և մահ: Բայց նա, ով սիրում է Հայրենիքը, ով չի ուզում ստրուկ դառնալ գերմանական ֆաշիստներին, նա չպետք է վախենա մահից: Զգիտակցված մահը՝ մահ է, իսկ գիտակցված մահը՝ անմահություն, — այսպես է ասում ժողովրդական իմաստությունը: Դե, ձեզ տեսնեմ, իմ արծիվներ:

Գեներալը սեղմեց շարք կանգնած և մարտական առաջադրանքը կատարելու պատրաստ հետախույզներից յուրաքանչյուրի ձեռքը, համբուրեց վաշտի հրամա-

նատար խիզախ հետախույզ լեյտենանտ Սորոկինի ճակատը ու հաջողութուն ցանկանալով, հրաժեշտ տվեց:

Նրբ գիշերային սև վարադույրը իջավ սաղարթախիտ անտառի վրա, հետախույզները, նախապես նշված մարշրուտով, ուղղվեցին դեպի առաջավոր գիծը:

Նրանց առաջին օրվա մարտական արշավը ասպարդյուն անցավ: Թշնամին նկատել ու ականանետային կրակ էր բացել հետախույզների վրա: Ցանկացած արդյունք չտվեցին ո՛չ երկրորդ և ո՛չ էլ հետագա ռազմերթերը: Նրանք շկարողացան «զեղո» վերցնել: Գերմանացիները ամրապնդվել էին այդ բարձունքի վրա, ինչպես դադանը երկաթաուստ վանդակում: Սակայն հետախույզ ռազմիկները կարողացան կարևոր տվյալներ ձեռք բերել տեղանքի մասին: Բացի դրանից, նրանք ավելի ստույգ տեղեկություններ բերեցին թշնամու ուժերի և սպառազինության վերաբերյալ: Կատարեցին հակառակորդի սլաշտպանությունը պատկերող մի շարք նկարահանումներ:

Գեներալի առաջարկով դիվիզիայի թիկունքում պատրաստվեց նույնանման մի բարձունք: Այն գոտեպատվեց համապատասխան ամրություններով ու արգելափակոցներով: Այդ բարձունքի շուրջը կազմակերպվեցին մի շարք վարժական մարտեր, որոնց ընթացքում ռազմիկներն ու հրամանատարները գործնականում զգացին այն բոլոր դժվարությունները, որ իրենք պիտի հաղթահարեն Պատխինյան բարձունքին տիրապետելու համար:

Որպեսզի ֆաշիստները չկռահեն ու նախօրոք չիմանան մերոնց մտահղացումների մասին, թե՛ վարժական պարասլմունքները և թե՛ դալիք մարտերին նախապատրաստվելու բոլոր տեսակի աշխատանքները հիմնականում կատարվում էին գիշերային պահին:

Այդ սլաշտպանությունների ընթացքում ռազմիկները

վարժվում էին ուժեղ կերպով ամրացված պաշտպանա-
դիժը հաղթահարելու և սրընթաց մարտ վարելու մեջ։
Սակրավորները կատարելագործում էին իրենց գիտե-
լիքները ականազերծելու գործում։ Նրանք ավելի լավ
տիրապետեցին լարափափոցների խիտ շարքերի միջով
ճանապարհ բացելու վարպետությանը։ Հետևակային
ստորաբաժանումների ռազմիկները վարժվեցին լարա-
փափոցները թռիչքով հաղթահարել, գրոհի պահին չհա-
պաղել և անընդհատ առաջ շարժվել։ Հարուստ փորձ
կուտակեցին նաև կառավորներն ու հրետանավորները։

Վերջապես սկսվեցին բարձունքը գրոհելու անմիջա-
կան գործողությունները։ Երեք օր ու գիշեր սակրավոր-
ները չէին հեռանում թշնամու լարափափոցների մոտից։
Ցերեկները հանգստանում էին վարպետորեն քողարկ-
վելով, որպեսզի հակառակորդը չնկատի, իսկ երբ վրա
էր հասնում գիշերվա թանձր խավարը, սկսում էին գոր-
ծել։ Սկզբում նրանք անցումներ բացեցին լարափափոց-
ներում, ասլա սկսեցին ականազերծ անել այդ անցում-
ների միջև ընկած տարածությունը։ Բացված անցումնե-
րը աննկատ դարձնելու համար սակրավորները կտրատ-
ված փշալարերը նորից թուլյլ կերպով միացնում էին
իրար։

Բարձունքի գրոհումը նշանակված էր 1943 թվակա-
նի հունիսի 22-ին՝ Հայրենական Մեծ պատերազմի երկ-
րորդ տարեդարձի օրը։

Հրետանային նախապատրաստումից հետո գիվի-
դիայի ռազմիկները, գիշերվա ժամը երեքին գրոհեցին
թշնամու առաջավոր դիժը։ Օգտագործելով լարափա-
փոցներում նախապես պատրաստված անցումները,
նրանք արագորեն հասան հիտլերականների խրամատ-
ներից ու տեղն ու տեղը սկսեցին բնաջնջել թշնամուն։

Հանկարծակիի բերված ֆաշիստները գաղանային
ադմուկ բարձրացրին։ Նրանք փորձում էին փախչել՝

գվարդիականների դիպուկ հարվածներից խուսափելու համար: Սակայն այդ չէր հաջողվում: Բարձունքի վրա բուն դրած գերմանական իժերի մեծ մասը ոչնչացվեց, իսկ կենդանի մնացածները գերի վերցվեցին:

Հազիվ էր մեկ ժամ անցել զրոհի սկզբից, երբ դիվիզիայի հրամանատարական կետում հաղորդում ստացվեց Պտախինյան բարձունքը գրավելու մասին: Շուտով բարձունքի զազաթին ծածանվեց գվարդիականների հաղթական Դրոշը:

Հետևյալ օրը գերմանացիները դեպի բարձունքը բաշեցին թարմ ուժեր: Ֆաշիստները 12 օր անընդհատ գրոհում էին գվարդիականների վրա, որպեսզի վերականգնեն գրովյունը և դարձյալ տիրանան Պտախինյան բարձունքին: 12 օրվա ընթացքում նրանք 36 անգամ գրոհեցին բարձունքը, ավելի քան 80 հազար արկ ու սական ուղղեցին այդ բարձունքի վրա դանդաղ սովետական ռադիկների կողմը, սակայն նրանց ճիգերը ոչ մի արդյունք չտվեցին: Գվարդիականները այնքան ուժեղ ամրապնդվեցին Պտախինյան բարձունքում, որ ավելի հեշտ էր այն հօգս ցնդեցնել, քան նրանց ցած իջեցնել այնտեղից:

Պտախինյան բարձունքի համար ծավալված այդ համարձակ ու բարդ օպերացիայի ժամանակ դիվիզիայի հրամանատարական կետումն էին գտնվում ռադմաճակատի ներկայացուցիչները, ինչպես նաև բանակի և կորպուսի հրամանատարները: Այնտեղ էին հավաքվել զինվորական թերթերի շատ թղթակիցներ ու լուսանկարիչներ: Ինքը՝ Կարապետյանը, մարտական գործողությաննների սկզբից մինչև վերջ գտնվում էր զնդերից մեկի հրամանատար՝ գնդապետ Ռոմանենկոյի հրամանատարական կետում: Նա հենց այդտեղից էլ ղեկավարում էր զորամասերի գործողությունները: Իսկ երբ բարձունքի կատարին ծածանվեց ալ Դրոշը, Կարա-

սկետյանը ուղղվեց դեպի Պատիսինյան բարձունքի գագաթը՝ ողջունելու և շնորհալուրելու հերոս զինվորներին:

— Ընկեր պլարդիայի գեներալ, առջևում երկյուղ կա: Տեսնում եք դեռ կատաղած շունը չի հանգստացել, կրակում է:— Դիմելով գեներալին, ասաց դաշտային պահակությունում գտնվող մի զինվոր:

— Իսկ դուք ի՞նչ եք անում այստեղ: Միթե՞ ձեզ համար երկյուղ չկա,— ժպտալով հարցրեց գեներալը...

Զինվորը հուզվեց:

— Մենք... Դե մենք, զինվոր ենք...

— Իսկ մենք զինվոր չե՞նք... Մենք էլ ենք զինվոր, սիրելիս: Մենք բոլորս էլ Հայրենիքի զինվորներն ենք,— ասաց գեներալը և մարտիկին խրախուսելով առաջ անցավ:



Ըստ սովորականի, իր ռազմաճակատային կյանքի մեծ մասը Կարապետյանը անց էր կացնում խրամատներում, զինվորական սառ ու խոնավ լիճհաժներում: Ընկերական զրույցի էր նստում շարքային զինվորների, ջոկերի ու դասակների, վաշտերի ու գումարտակների հրամանատարների հետ: Հետաքրքրվում էր նրանց կյանքով, քաջալերում և հայրական խորհուրդներ տալիս նրանց:

Գեներալը սիրում էր իր ենթականերին: Հարադատներից ու ծնողներից հեռացած, կովի ծանր լուծը տանող զինվորների համար, նա պահանջիլիս և հոգատար հրամանատար էր: Զինվորներն էլ իրենց հերթին հարկում և սիրում էին նրան:

Հետախուզական վաշտի երիտասարդ, քաջ ու համարձակ հրամանատար Վասիլի Սորոկինը, երբ ծանր վիրավորվեց, գեներալն անձամբ վբաղվեց նրան բժշկասանիտարական գումարտակը փոխադրելու հարցով:

— Ինձ ղեկուցեցին, — պատմում է գեներալը, — որ Սորոկինը մահամերձ է: Ես իսկույն գնացի նրա մոտ: Տեսնեմ Սորոկինը պառկած է մահճակալի վրա և հազիվ շունչ է քաշում: Սակայն ինձ նկատելով, նա սթափվեց և, կարծես թե, ուղում էր վեր թռչել աեղից: Ես հանգրստացրի նրան:

Սորոկինը հայացքն ուղղեց իմ կողմը ու հազիվ լսելի ձայնով ասաց. «Ես գուցե մեռնեմ, ընկեր գվարդիայի գեներալ, բայց խնդրում եմ, որ անունս չջնջեք հետախուզական վաշտի ցուցակից: Եվ թող բոլորն իմանան, որ իմ կարճատև կյանքը ես նվիրեցի մեր Սովետական Հայրենիքի ազատագրման գործին»: Ես վիրաբույժին առաջարկեցի ինչ փնով էլ լինի, փրկել Սորոկինի կյանքը: Վիրաբույժը խոստացավ ոչինչ չխնայել, բայց վերջում, երբ մենք հեռացանք Սորոկինի մոտից, նա ասաց, որ ինքը շատ հույս չունի, որ Սորոկինը կարող է ապրել ևս մի շաբաթ: Անցավ տասը օր, Սորոկինը գեղեցիկ էր, անցավ քսան օր Սորոկինն արդեն բավական կազդուրվել էր, իսկ 45 օրից հետո նա բոլորովին առողջացավ ու կրկին շարք վերադարձավ:

Ես նրան ինձ մոտ կանչեցի և առաջարկեցի արձակուրդ գնալ: Բայց նա չցանկացավ ու խնդրեց շարքում թողնել իրեն մինչև Հայրենական Մեծ պատերազմի հաղթական ավարտը:

Պատխինյան բարձունքի զրավման կապակցությամբ զիվիդիայի անձնակազմից ավելի քան 700 հոգի արժանացան կառավարական բարձր պարգևներին: Կալինինյան ամբողջ ռազմաճակատում այն օրերին բոլորը խոսում էին Պատխինյան բարձունքի զրավման և 46-րդ գվարդիական զիվիդիայի ռազմիկների հերոսական սխրագործությունների, նրանց համարձակության ու խիզախության մասին:

ՆՆԱԿԱՆ ՕՊԵՐԱՑԻԱՆ

Շատ ավելի ծանր ու բարդ էին Նեկի ազատագրման համար մղված մարտերը: Հենց որ Կալինինյան ռազմաճակատի զորքերը գրավեցին Նեկ քաղաքը, Կարապետյանի դիվիզիան առաջադրանք ստացավ լայնացնել ու ավելի խորացնել գերմանացիների պաշտպանագծում ստեղծված ճեղքվածքը և հետապնդել ու ոչրնչացնել նահանջող հիտլերականներին:

Սերտորեն համագործակցելով հարևան զորամասերի հետ, զարգացնելով իրենց հաջողութունները, Կարապետյանի զորազնդերը դուրս եկան գերմանական 240-րդ գնդի թիկունքը և սկսեցին ոչնչացնել թշնամու կենդանի ուժը, ջախջախել նրա տեխնիկան, պայթեցնել ռազմամթերքներով լիքը պահեստները: Այդ դոտեմարտում ոչնչացվեց գերմանական ավելի քան 2.000 զինվոր ու սպա: Դիվիզիան մերցրեց մեծ քանակությամբ ռազմաավար, որոնց թվում զինամթերքի, հանդերձանքի և պարենամթերքի մի քանի պահեստ:

Շնորհիվ հմուտ մանյուվրի ու սրենթաց հարձակման, Օսովիլիկի կայարանում դիվիզիայի գնդերից մեկը կարողացավ կասեցնել զինամթերքով ու հանդերձանքով բեռնված ֆաշիստական մի քանի էջելոնների Գերմանիա ուղարկելը: Միավորումը հինգ օր անընդհատ արյունահեղ մարտեր էր մղում կատաղորեն դիմադրող հիտլերականների դեմ: Իրենց որջերից դուրս բշտած գերմանացիները կառչում էին յուրաքանչյուր փոքր, թե մեծ բնակավայրից, ամեն մի բնադժից: Հիտլերականները մի փոքր սթափվելու միջոց էին փնտրում, որպեսզի կենտրոնացնեն իրենց ուժերը, նոր պաշտպանագիծ ստեղծեն ու արգելակեն մեր զորքերի հետագա առաջխաղացումը: Սակայն ռազմաճակատի այդ հատվածում հարձակվող Սովետական զորքերը քուն ու դա-

դար չէին տալիս թշնամուն: Նրանք անընդհատ ու համառորեն հետապնդում էին ֆաշիստներին: Սովետական ռազմիկներն իրենց վրեժն էին լուծում մեր այրված քաղաքների ու գյուղերի համար, սպանված ու կախաղան բարձրացված հաղարավոր քաղաքացիների համար, բաղմաթիվ խոշտանգված երեխաների, կանանց և ծերունիների համար: Նրանք կատարում էին իրենց ժողովուրդների, իրենց հայրերի ու մայրերի, քույրերի ու եղբայրների պատվիրանը՝ տուն վերադառնալ միայն հաղթանակով:

Նեկելի շրջանում մարտական գործողությունները հաջող վարելու, ռազմավարական հմտություն և հնարամտություն ցուցաբերելու համար, ՍՍԽ Միության Գերագույն Սովետի Նախագահության Հրամանագրով Կարապետյանը սլարգևատրվում է Կարմիր Դրոշի շքանշանով: Դա կառավարական երկրորդ սլարգեն էր, որին արժանացավ գեներալը Հայրենական Մեծ պատերազմի պատմական օրերին:



Կոմունիստական սլարտիայի կողմից դաստիարակված Սովետական Հայրենիքին անձնուրացաբար նվիրված գեներալը միշտ արժանապատվությամբ էր կատարում մարտական ամեն մի առաջադրանք:

Գեներալ Ս. Ի. Կարապետյանը երբեք չէր մոռանում հայ ժողովրդի կողմից ռազմաճակատում գտնվող հայ մարտիկներին ուղղված նամակում գրված հետևյալ խոսքերը. «Նղեք ձեր ժողովրդին արժանի մե'ր զավակներ, մինչև վերջը ջարդեցեք ու մեր հողերից դուրս շարժվող գերմանական զաւրեւի հրեշին: Ոչ մի բռակ մի մոռացեք, որ հիտլերյան արյունարբու բորենու դեմ մղվող պատերազմում վճռվում է Սովետական Միության բախ-

տը, հայ ժողովրդի բախտը: Բազմապատկեցեք ձեր ղեն-
քի ուժը, էլ ավելի կուիեցեք ձեր սրտերը: Կանգ մի առեք
ուչ մի դժվարության առաջ, քարուքանդ արեք ֆաշիս-
տական ամբուսթյունները, ոչնչացրեք նրանց տեխնիկան
ու կենդանի ուժը: Անընդհատ շարժիեցեք դեպի արե-
մուտք: Դուք կենդանի պահեք ձեր սրտերում մեր ծերու-
նի բանաստեղծի հավատով լի խոսքը.

«...Երևում է կատարն անամպ ու հստակ,
Բայց եթե չը հասնենք մենք այնտեղ այսօր,
Վաղն այնտեղ ենք անշուշտ, մերն է
Հաղթանակ...
Դեպի վեր, սարն ի վեր, անվհեր զինվոր»:

Նամակում բերված այս տողերը շատ էին դուր գա-
լիս գեներալին: Նա մեծ սիրով անգիր էր արել այդ
խմաստալից խոսքերը և հաճախ կրկնում ու ոգեշնչվում
էր դրանով:

Երբ հանդարտվեցին Նեկի համար մղվող մար-
տերը և միավորումը դուրս եկավ հանգստի, Կարապետ-
յանը իր մոտ հավաքեց դիվիզիայում ծառայող հայ
ուսղմիկներին, որպեսզի անձամբ հաղորդի նրանց հայ
ժողովրդի պատվիրանը:

Գեներալի հրամանատարական կետը հավաքվեցին
տասնյակ հայ ուսղմիկներ՝ սպաններ, սերժանտներ և
զինվորներ: Այստեղ էին քաջ հրետանավոր կապի-
տան Թորոս Շեխոյանը՝ Դյուզքենդի շրջանի Ղազանչի
գյուղից, հետախույզ զինվոր Մարտիրոս Ստեփան-
յանը՝ Սևանի շրջանի Դոմաշեն գյուղից, սերժանտ Ավագ
Սահակյանը՝ Արտաշատի շրջանի Զրաշեն գյուղից,
զանգեզուրցի զինվոր Գուրգեն Հակոբյանը, նորբայա-
զեսցի մայոր Հովհաննես Ղամարյանը, ռադիստ լեյ-

տենանտ Վարդան Վարդանյանը՝ Երևանից, և շատ ուրիշ հայ ռազմիկներ:

Երբ գններալին ղեկուցեցին, որ նրա հրամանով դիվիզիայում ծառայող մի խումբ հայ ռազմիկներ ներկայացել են, նա դուրս եկավ գետնափոր տնակից և ջեմորեն ողջունեց նրանց: Որպես հարազատ մարդկանց ընդունեց հյուրերին, սեղմեց բոլորի ձեռքը ու ասա հարցրեց.

— Հը՞... Ո՞նց եք, Հայաստանի ղաժակներ...

— Շատ լավ ենք, ընկեր գվարդիայի գններալ,— միաբերան պատասխանեցին ռազմիկները: Գններալն իր զննող հայացքը դեցեց ռազմիկների կրծքերին ու ասաց.

— Էդ ինչո՞ւ այդքան քիչ են ձեր շքանշանները: Երևի վատ եք կռվում...

— Ոչ, ընկեր գվարդիայի գններալ, վատ չեմք կռվում,— կարծես թե լիազորված լինելով բոլորի կողմից, պատասխանեց կապիտան Շխոտյանը,— մարտնչում ենք անձնուրացարալ: Իսկ թե շքանշաններս են քիչ, փուլթ, չէ, էլի կստանանք:

— Մինչև այժմ միշտ էլ բարձր ենք պահել հայ ժողովրդի պատիվը, սովետական ռազմիկի պատիվը,— ավելացրեց մի ուրիշ ռազմիկ,— այսուհետև էլ կարդարացնենք մեզ:

— Գիտեմ, գիտեմ,— ասաց գններալը,— ձեր մասին ինձ արդեն ղեկուցել են: Ձեմ կասկածում, որ դալիք մարտերում է՛լ ավելի խիզախորեն կմարտնչեք մեր հարազատ Սովետական Հայրենիքի ազատության և անկախության համար: Իսկ այժմ, խնդրեմ, ներս անցեք իմ «սրախատը»,— կատակելով ասաց նա:— Այսօր ես ձեզ պետք է ծանոթացնեմ ռազմաճակատում դառնվող հայ ռազմիկներին ուղղված հայ ժողովրդի նամակի բովանդակությանը:

Այդ «սպառաշուք» բաղկացած էր երեք սենյակից: Նրանցից մեկը խոհանոցի դեր էր կատարում, երկրորդը՝ գեներալի աշխատասենյակն էր, իսկ երրորդը՝ ննջարանը: Գեներալի գետնափոր սենյակի կահավորանքը շատ հասարակ էր: Ննջարանում բացի մի սեղանից, տախտակից պատրաստված մահճակալից, որի վրա գտնվում էր գեներալի անկողինը, ուրիշ ոչինչ չկար: Ավելի պարզ էր գեներալի աշխատասենյակի կահավորանքը: Այստեղ պատուհանի առջև պատրաստված էր մի հասարակ սեղան, որի աջ կողմում հեռախոսի ապարատն էր, իսկ ձախ կողմում դարսված էին զանազան գրքեր:

— Դե, ուրեմն, լսեք ինձ: Այժմ մենք կկարդանք այս պատմական և բոլորիս համար թանկարժեք նամակը: Այստեղ կա և՛ մայրական կարոտ, և՛ հայրական սեր և՛ խրատ և՛ պահանջ: Սա մեր ժողովրդի սրտից բխած մի խոսք է, որը մեզ վճռական մարտի ու հաղթանակի է կոչում:

«Մեր ժողովրդի սիրելի զավակներ՝, — սկսեց նամակի ընթերցումը գեներալը, — մեր քաջարի մարտիկներ՝ և հրամանատարներ՝:

Այս նամակով ամբողջ հայ ժողովուրդը հղում է ձեզ՝ իր հարազատ զավակներին սրտագին, բոցավառ ողջուն:

Ահա արդեն քսան ամիս է, ինչ դուք Հայրենիքի հանդես կատարելով ձեր սրբազան պարտքը, եղբայրական ժողովուրդների զավակների հետ ուս-ուսի տված՝ մարտնչում եք գերմանա-ֆաշիստական արյունարբունների դեմ, կրծքով պաշտպանում Սովետական Հայրենիքը, նրա ազատութունը և անկախութունը, ձեր հայրերի, մայրերի, երեխաների կյանքը, ձեր կանանց ու քույրերի պատիվը...:

...Հայ մարտիկներ՝:

Ատեցեք թշնամուն ձեր հոգու ամբողջ ուժով, թող այդ ատելությունը ձեր կրծքերը դարձնի պողպատակուտ դրահ, ձեր բազուկներին տա անսպառ կարողություն...»:

Ռազմիկները ուշի-ուշով լսում էին գեներալին: Նամակի յուրաքանչյուր բառը նրանց հիշողության մեջ վերականգնում էր հայրենի հողը, բարձրաբերձ լեռներն ու ռառնորակ աղբյուրները: Նրանք մտքով փոխադրվում էին իրենց հարազատ օջախը: Նրանց մեջ ավելի ու ավելի էր բորբոքվում ատելության զգացմունքը անարդ թշնամու նկատմամբ:

«...Մեր ավագ եղբայր ռուս մեծ ժողովրդի գլխավորությամբ,— շարունակեց նամակի ընթերցումը գեներալը,— մարանչեցեք թշնամու դեմ մեր եղբայրական ժողովուրդների ղավակների հետ կողք-կողքի, ձեռք-ձեռքի տված: Ամրապնդեցե՛ք ռազմաճակատներում անխախտ բարեկամությունն ու եղբայրությունը: Հիշեցե՛ք, որ այդ եղբայրության մեջ է մեր հզոր Հայրենիքի, Սովետական Միության անսպարտեկությունը:

...Սրբորեն, ժամանակին կատարեցեք ձեր հրամանատարների ու պետերի հրամանները»:

— Լսում եք՝ սրբորեն և ժամանակին կատարեցեք ձեր հրամանատարների ու պետերի հրամանները... — բնդգծեց գեներալը:

— Լսում ենք, ընկեր գվարդիայի գեներալ,— որպես երգում պատասխանեցին ռազմիկները:

Նամակի վերջին տողերը գեներալը կարդում է ավելի ոգևորված: Հետո նա վեր է կենում տեղից և շարունակում է.

«Հաստատ է մեր հավատը հաղթանակի նկատմամբ: ...Հեռու չէ այն օրը, երբ սովետական հողը կմաքրվի գերմանա-ֆաշիստական գարշելի օկուպանտներից: Նորից ազատ կշնչեն մեր տառապած եղբայր-

ներն ու քույրերը, նորից կծաղկեն ու կփթթեն մեր քաղաքներն ու գյուղերը, թնդանոթների որոտի փոխարեն նորից մեր դաշտերում կթնդա խաղաղ աշխատանքի ու շինարարության երգը:

Հավատում է զլուսն Սովետական ամբողջ երկիրը, ամբողջ սովետական ժողովուրդը:

Դրա գրավականն է Կարմիր Բանակի հարվածների օրեցօր աճող ուժը: Դրա գրավականն է Սովետական Միության ժողովուրդների անխախտ բարեկամությունը, նրանց անսահման նվիրվածությունն իրենց Հայրենիքին, իրենց հարազատ բռնակիներին պարտիային...»:

— Ահա մեր ժողովրդի կոչը, մեր հարազատների պատվիրանը: Դե, ձեզ տեսնեմ: Կատարեցեք այն որպես հերոս մարտիկներ: Համարձակորեն հարվածեցեք ֆաշիստական ճիվաղներին, չխնայելով ձեր ուժերը և բուն իսկ կյանքը:

Այսպես ավարտեց դեներալը այդ սրտառուչ նամակի ընթերցումը:

Հայ ռազմիկները խոստացան պատվով ու անձնուրացարար կատարել իրենց ժողովրդի պահանջը և մեծ դոհունակությամբ հեռացան գեներալի հողատնակից:

Արևն արդեն մայր էր մտել: Նրանք բաժանվեցին իրարից, յուրաքանչյուրը դեպի իր ստորաբաժանումը ուղղվելով: Նրանցից ամեն մեկի հիշողության մեջ անջնջելի կերպով տպավորվեցին հայ ժողովրդի նամակի այն խոսքերը, որ քանի գերմանա-ֆաշիստական թեկուղ մեկ զավթիչ դեռ գտնվում է մեր հայրենի հողի վրա՝ ռազմադաշտը չքող ամեն մի հայ մարտիկի առաջ փակ կլինեն հայրենի օջախի դռները: Որ հայրերն ու մայրերը, սիրելիներն ու հարազատները սպասում են իրենց՝ միմիայն հաղթանակով:

ՊԵՋԱՆԵ ԲՆԱԿԱՎԱՅՐԻ ԳՐԱՎՈՒՄԸ

Կարճատև ընդմիջումից հետո, դարձյալ սկսվեցին մարտական թիժ ու լարված օրերը: 1944 թվականի գարնանը ղվարդիայի գեներալ-մայոր Կարապետյանը իր ղիվիդիայով գտնվում էր երկրորդ Մերձբալթյան ռազմաճակատում:

Սովետական Զինված Ուժերի մեկը-մյուսին հաջորդող վճռական ու խորտակիչ հարվածները քայքայում էին թշնամու պաշտպանական բնագծերը, պայմաններ ստեղծում մեր զորքերի հաջող առաջընթացի համար:

Լենինգրադի ռազմաճակատի զորքերը, Լենինգրադի մարզը լիովին մաքրելուց հետո, ֆաշիստներին քշել էին Մերձբալթիկա և շարունակում էին ջախջախել նրա կենդանի ուժն ու տեխնիկան:

Այդ օրերին Կարապետյանի ղիվիդիան առաջադրանք ստացավ պրավել դերմանացիների կողմից ուժեղ կերպով ամրացված Պեչանե հենակետը, որը խոշոր նշանակություն ուներ Մերձբալթիկայում նախապատրաստվող հարձակողական մարտերի ելքի համար:

— Ինձ իր հրամանատարական կետը կանչեց բանակի հրամանորդ գեներալ զնդապետ Զիրիսովը, — ասում է Կարապետյանը, — և առաջարկեց ինչ գնով էլ լինի դրավել Պեչանե բնակավայրը, որը դերմանացիները վերածել էին ամրոցի: Մեզ հայտնի է, — ասաց նա, — որ դուք նման գործողություններ կատարելու համար հարուստ փորձ ունեք: Մենք դեռ չենք մոռացել Պտախինյան օպերացիան, որը դուք հիանալի կերպով կազմակերպեցիք և հաղթանակով ավարտեցիք:

Առաջադրանքը շատ բարդ էր: Ռազմաճակատի այդ հատվածում երկար ժամանակ մարտեր տեղի չէին ունեցել և, օգտվելով հանգամանքից, հիտլե-

րականները Պեշանեն վերածել էին վրահապատված ու շրջանաձև պաշտպանության համար նախապատրաստված հենակետի: Այստեղ ստեղծված էր երկաթ-բետոնային կրակակետերի համատարած ցանց: Այդ կրակակետերը իրար հետ կապված էին ստորերկրյա ուղիներով: Պատրաստված էին հակատանկային փոսեր, երկուսից-երեք շարքի հասնող խրամատներ: Ինչպես և միշտ, դրանց առաջեզրով ձգվում էր լարափակոցների խիտ ցանցը:

Խորապես ըմբռնելով առաջադրանքի կարևորությունը, Կարապետյանը բանակի հրամանորդին խոստացավ, որ բոլոր ջանքերը կգործադրի այն կատարելու համար: Միայն խնդրեց, որ հրետանին, ինչպես հարկն է, օգնի իրենց:

Հենց նույն օրը դեներալը իր մոտ կանչեց Միավորման գնդերի հրամանատարներին և հայտնեց մարտական նոր խնդիր ստանալու մասին: Մանրամասն բացատրեց յուրաքանչյուր գնդի անելիքը: Հետևյալ օրը, կես գիշերին, սկսվեց մարտը:

Ցրելով գիշերային թանձր խավարը, հրետանային արկերն ուժգին սուլոցով թռչում էին յուրայինների խրամատների վրայով և ականջ խլացնող պայթյունով ջարդուփշուր անում թշնամու ամբուսթյունները: Նրկուժամ անընդհատ հարվածում էին մեր ծանր ու թեթև հրանոթները: Ուժեղ կրակը քարուքանդ արեց գերմանացիների ըլինդաժները, խրամատները և լարափակոցները:

Հրետանային վերջին արկերի դղրդյունը դեռ չէր լսել, երբ գրոհի բարձրացավ հետևազորը: Սովետական Բանակի քաջակորով ռազմիկները հասակով մեկ ոտքի ելան և, «ուռա» բացադանչելով, հարձակվեցին թշնամու վրա: Բայց հենց որ հասան Պեշանե բնակավայրին, ստիպված եղան պառկել:

Հիտլերականները ուշքի եկան և ուժեղ կրակ բացեցին մերոնց վրա։ Նրանք երկար դիմադրեցին Պեչանի բնակավայրը իրենց ձեռքից բաց չթողնելու համար, բայց իզուր։ Նրանց ջանքերն ապարդյուն անցան։ Իրիկնադեմին Պեչանեն ազատագրվեց։

— Հենց որ Պեչանեն գրավեցինք, այդ առթիվ, — ասում է գեներալը, — ես խսկույն ղեկուցեցի բանակի հրամանորդին, թե առաջադրանքը կատարված է։ Սակայն նա չէր հավատում։ Չեմ տեսնում ասում էր նա, «նշան բարձրացրեք»։ Ես բնակավայրում գտնվող ստորաբաժանումներին հրամայեցի բնակավայրի փլատակված եկեղեցու վրա ուրեք մի նշան բարձրացնել, որպեսզի բանակի հրամանորդը իր դիտակետից տեսնի այն։ Հետո համոզվելով գրանում, հեռախոսի մոտ կանչեց ինձ ու ասաց. «Այժմ տեսնում եմ»։ «Կեցցե՛ք»։

Բայց գերմանական զավթիչները չէին կարող հաշտվել այդ մեծ կորստի հետ։ Նրանք հույս ունեին նորից տիրանալ Պեչանի բնակավայրին ու այդ նպատակով դիմեցին հակադրոհի։ Մեկ օրվա ընթացքում հիտլերականները վեց անգամ զրոհեցին մեզ վրա, բայց բոլոր զրոհները ետ մղվեցին։ Սովետական ռազմիկներն ամուր ու աներեր մնացին իրենց դիրքերում։

Բանակի հրամանորդը շատ գոհ մնաց այդ օպերացիայից և գեներալ-մայոր Կարապետյանին ու նրա հրամանատարություն տակ գտնվող միավորման ամբողջ անձնակազմին հատուկ հրամանով շնորհակալություն հայտնեց։

ՎԵԼԻԿԱՅԱ. ԳԵՏԻ ԱՆՖՈՒՄԸ

Ռազմաճակատի զորքերի առջև խնդիր էր դրված ազատագրել Օստրով քաղաքը։

Օստրովը շատ ավելի ուժեղ ամրացված էր հարավից: Մեծ խորովթյամբ պատրաստված պաշտպանութ-
թյան գիծը ֆաշիստները «Պանտերայի գիծ» էին անվա-
նում: Նրանց մտքով երբեք չէր էլ անցնում այն բանը,
թե սովետական զորքերը երբևիցե կարող են հաղթահա-
րել այդ դիրքերը: Պաշտպանական կառույցները սկսվում
էին Պսկովյան լճից, Պսկովից և Օստրովից դեպի արե-
վելք, ըստ որում լայնորեն օգտագործվել էին այս տե-
ղանքում հոսող բազմաթիվ գետերն ու գետակները,
որոնց բարձրագիւր ափերը մեծ խոչընդոտ էին հանդի-
սանում տանկերի առաջխաղացման համար: Էլ ավելի
ամուր էր դարձնում գերմանական պաշտպանագիծը այդ
տեղանքով հոսող Վելիկայա գետը:

Այգաբացին սկսվեց հրետանային նախապատրաս-
տությունը: Գետինը գողում էր հարյուրավոր հրանոթ-
ներից արձակվող համադարկերից: Հրետանային կրակի
տակ էին առնված հակառակորդի պաշտպանության
առաջին գիծը և նրա թիկունքային զորամասերը: Շու-
տով ջինջ երկնքում երևացին մեր կարմրաստղ սավառ-
նակները: Հրետանային հարվածները խաչակնքվեցին
օդային ուժեղ ուժբալկոծությամբ:

Նրբ ավարտվեց թշնամու առաջավոր գծի, ինչպես
ռազմաճակատում էին ասում՝ «մշակումը», հարևան զոր-
քերի հետ միատեղ խրամատներից ու թաքստոցներից
գուրս ցատկեցին նաև գեներալ Կարապետյանի հրամա-
նատարության տակ գտնվող զորամասերը:

Դիվիզիային առաջադրված էր ռազմաճակատի այդ
հատվածում մի գունդ անցկացնել թշնամու թիկունքը,
այնտեղ խուճապ առաջացնելու նպատակով:

Անհրաժեշտ էր կազմակերպել Վելիկայա գետի ան-
ցումը: Բայց ինչպե՞ս: Զէ՞ որ գետը անցնելու համար
անհրաժեշտ են լաստանավեր, տախտակամածներ և
այլ հարմարանքներ: Իսկ միավորման տրամադրության

տակ այդ պահին նման հարմարանքներ չկային: Ուստի պետք էր գործի դնել ղինվորական հնարամտությունն ու նախաձեռնությունը: Գետանցը կազմակերպել ձեռքի տակ ունեցած միջոցներով:

Կարապետյանի հիշողության մեջ դեռևս թարմ էր երկու տարի առաջ Կարատայակի համար մղված մարտերում կազմակերպված Դոնի անցումը: Այդ փորձը նա օգտագործեց նաև այս օպերացիայում:

Զորամասերի հրամանատարներին բացատրելով մարտական առաջադրանքը, ղեներալը միաժամանակ ասաց, թե ինչ պետք է անել, որպեսզի ղետանցը հաջող կազմակերպվի:

Հերոս հետախույզները և ջանասեր սակրավորները գործի անցան: Առաջինները պետք է տախտակ ու այլ հարմարանքներ ճարեին, իսկ մյուսները՝ ցուցադրեին իրենց շինարարական վարպետությունը:

Սկսվեց ռազմի ժրաջան աշխատանքը: Իսկույն ճարվեցին թե՛ տախտակներ և թե՛ դերաններ: Խիզախ հետախույզները, չզիտեա որտեղից, անգամ մակույկներ ձեռք բերեցին:

Ռուս, ղազախ, վրացի, հայ, ադրբեջանցի, բելո-ռուս, ուկրաինացի՝ սոցիալիստական աշխատանքում եղբայրացած, ռազմի դաշտում ավելի սերտ բարեկամացած մարդկանց կողմից ստեղծվեց այն բոլոր հարմարանքը, որ լիովին ասպահովեց Վելիկայա դետի հաջող անցումը:

Օգտագործելով հասարակ, բայց ղետանցը կազմակերպելու համար միանգամայն պիտանի միջոցները և ձկնորսական մի քանի մակույկներ, ղնդերից մեկը հաջողությամբ փոխադրվեց դետի արևմտյան ափը ու թիկունքից հարվածեց թշնամուն: Այդ ինքնագործ միջոցներով սովետական ղինվորներին հաջողվեց թշնամու թիկունքը փոխադրել ոչ միայն հետևազորը և համեմա-

տաբարի թեթև քաշ ու փոքր ծավալ ունեցող սպառազինությունը, այլև հրետանին ու ականանետերը:

Որոշ ժամանակ անց գետի արևմտյան ափը անցանա մի քանի զորամասեր ու այստեղ մի ընդհանուր լուռնցք կազմած ծավալեցին հարձակումը:

Իրենց սլաշտականության մեջ սեպված Սովետական Բանակի առաջավոր զորամասերը մեկուսացնելու և նրա առաջընթացը արգելակելու նպատակով, հիտլերականները մարտի հանեցին «Ֆերդինանդները», ինչպես նաև բազմաթիվ ծանր ու միջակ այլ տանկեր: Նրանք սլզում էին ամրապնդվել նոր բնագծում, իսկ հետո հակազորհի անցնել: Սակայն հիմնական բնագծերից դուրս շարտված և արյունաքամ արված ֆաշիստների իղձերը չիրականացան: Սովետական զորամասերը մի ընդհանուր շղթա կազմած, սրընթացորեն խորանում էին թըշնամու սլաշտականության մեջ: Օստրովն արգեն գտնվում էր մեր զորամասերի կիսաշրջանակում: Նախադգալով սպառնացող աղետը, հիտլերականները սկսեցին հրդեհել ու քարուքանդ անել քաղաքի խոշորագույն շենքերը, փոստը, հեռագրատունը, իսկ դրանց թվում նաև ռազմական նշանակություն ունեցող բոլոր կառույցները:

Իրիկնադեմին ծիրանագույն հրացուքով սլատեց ամբողջ երկնակամարը: Հրդեհները քանի զնում, այնքան ավելի ուժեղանում էին: Մերոնք շտապում էին: Անհրաժեշտ էր որքան հնարավոր էր շուտ ծնկաչոք անել գերմանացիներին, փրկել քաղաքն ավերումից, իսկ բնակչությանը՝ հիտլերականների լծից:

Հերոսաբար ու անձնվեր էին մարտնչում գեներալ Կարապետյանի դիվիզիայի ռազմիկները: Չորս օր և չորս գիշեր անընդհատ նրանք գտնվում էին դաժան կռիվներում: Տասնյակ հերոս ռազմիկներ իրենց կյանքը զոհաբերեցին ռուսական հնագույն քաղաք Օստրովի ազատագրման մարտերում: Չնայած գերմանացիների

կատաղի դիմադրությունը, Մերձբալթյան 3-րդ ռազմա-
ճակատի զորքերը ավելի ու ավելի էին նեղում օղակի
մեջ առնված գերմանացիներին: Հուլիսի 21-ին մերոնք
գրոհով տիրեցին Օստրով քաղաքին: Չորսօրյա հարձա-
կողական ծանր զստեմարտը պսակվեց փայլուն հաղթա-
նակով:

1944 թվականի հուլիսի 21-ին հասուկ հրաման
արձակվեց, որում Օստրով քաղաքի ազատագրմանը
մասնակցած միավորումների թվում, որպես աչքի ընկ-
նող զորամաս, նշված էր նաև գեներալ-մայոր Կարա-
պետյանի գլխիղիան և ներկայացված էր «Օստրովյան»
անվանակոչմանը: Օստրով քաղաքի համար մարտնչած
հարյուրավոր հերոս ռազմիկներ ներկայացվեցին կառա-
վարական պարգևներով:

Գլխարդիայի գեներալ-մայոր Կարապետյանը պար-
պետորվեց Կարմիր Դրոշի երկրորդ շքանշանով:

ՏԱՐՏՈՒԻ ԱԶԱՏԱԳՐՈՒՄԸ

Մի փոքր հանգստանալուց և համալրվելուց հետո,
Կարապետյանի միավորման անձնակազմը նորից
կանգնեց հայրենի երկրի ազատության համար մարտնչ-
ող զորազորների շարքերում:

Այս անգամ գլխիղիային առաջադրված էր ակտիվ
մասնակցություն յուրյ տալ էստոնական ՍՍՌ Տարտու
(Դորպատ) քաղաքի ազատագրման մարտերին:

Պատերազմի հենց առաջին օրերին Տարտուն ընկել
էր գերմանացիների ձեռքը և երկար ժամանակ գտնվում
էր ֆաշիստական լծի տակ: Հիտլերականները իրենց
հրեշային շարագործություններով արնաքամ էին արել
քաղաքի բնակչությանը: Այն վերածվել էր մի մեռյալ
բնակավայրի: Հաղարավոր էստոնացիներ գտնվում էին

համակենտրոնացման ճամբարներում, շատերը տարվել էին արևմուտք տաժանակիր աշխատանքի: Քաղաքից դուրս գտնվող հակատանկային փոսերում սովետական զորամասերը հայտնաբերեցին մարդկային գիական ընդամասիլ կույտեր: Ուլքե՞ր էին դրանք, այդ անմեղ զոհերը: Դրանք սովետական քաղաքացիներ էին, որոնք չէին ցանկացել դավաճանել իրենց Հայրենիքին, որոնք հրաժարվել էին դերմանացիներին հուս հպատակ դառնալուց:

Գտնվելով դեպի Ռիդա տանող երկաթգծային մագիստրալի վրա, Տարտուն դերմանացիների կողմից վեր էր ածված պաշտպանության ուժեղ հանգույցի: Նրանք զգում էին, որ Տարտուի հանձնումը շատ ավելի բարենպաստ պայմաններ կստեղծի սովետական հարձակվող զորքերի համար Մերձքալթիկայում և ամեն կերպ ջանում էին իրենց ձեռքից բաց չթողնել այն: Հիտլերականները անընդհատ ուժերակոծում և գնդակոծում էին մեր զորքերի դիրքերը: Նրանք փորձում էին զսպել մեր զորքերի հաղթական առաջընթացը: Գոտեմարտը ավելի ու ավելի արյունահեղ էր դառնում: Բայց սովետական զորամասերը, իսկ նրանց շարքում նաև գեներալ Կարապետյանի զորազնդերը, համառորեն շարունակում էին հարձակվել:

Տարտուի համար մղվող այդ կատաղի մարտերում վիրավորվեց դիվիզիայի գնդերից մեկի հրամանատար, իսկախ ռազմիկ փոխգնդապետ Կլիմենկոն: Հանուն Հայրենիքի ազատության ու անկախության այստեղ զոհվեցին համարձակ հետախույզ Տոնականյանը, կապավոր Դուտկոն, դասակի հրամանատար լեյտենանտ Գավրիլովը, սակրավոր Փերինաշվիլին և ուրիշ ռազմիկներ: Սակայն Կոմունիստական պարտիայի վեհ գործին, ղինվորական երգմանը հավատարիմ սովետական ռազմիկները չէին հուսահատվում: Նրանք ավելի խորն ստեղծու-

Թյամբ էին լցվում գետի թշնամին և հաջողությամբ կատարելով մարտական խնդիրը, համարձակորեն առաջ էին շարժվում:

Թեժ մարտեր ծավալվեցին քաղաքի մատուցներում: Ճեղքելով գերմանացիների պաշտպանադժերը, մեր զորամասերը շեշտակի հարվածով թափանցեցին քաղաք: Թշնամին հարկադրված եղավ ծանր մարտերի բռնվել սովետական առաջավոր զորամասերի հետ: Քաղաքի արվարձաններում և նրա հարավ-արևմտյան ծայրամասերում մղվող մարտերում առանձնապես աչքի ընկան ղեներալ Կարապետյանի միավորման ռազմիկները: Հաղթահարելով թշնամու կատաղի դիմադրությունը, նրանք զրոհում էին բաղմահարկ շենքերում, նկուղներում և ձեղնահարկերում թաքնված գերմանացիների վրա: հօդս ցնդեցնում նրանց կրակակետերը: Քաջակոբով մարտիկները հաջողությամբ շրջապատում էին շրջանաձև պաշտպանության համար նախապատրաստված առանձին տները և թշնամուն ստիպում անձնատուր լինել:

Քաղաքի շենքերից մեկում ամրապնդված գերմանական ղեկավարային մի վաշտ համառ կերպով դիմադրում էր: Այդ շենքը շրջապատել էին գվարդիայի մայր: Վասիլիի գումարտակի ղինվորները: Նրանք հիտլերականներին առաջարկեցին ղենքը վաշտ ղնել: Հիտլերականները մերժեցին այդ առաջարկը և շարունակում էին կրակ վարել սլատուհաններում դրած ու տանիքների րարձրացրած զնդացիրներից:

Կարապետյանի հրամանատարական կետը, որը գտնվում էր հարևան փողոցի տներից մեկում, այդ մասին տեղեկացնելու եկավ մի կապալնոր:

— Ընկեր գվարդիայի ղեներալ,— ղեկուցեց կապալնորը,— մեր գումարտակի հրամանատարը որոշել է պայթեցնել այն տունը, որում գտնվող հիտլերականները

Դրաժարվում են ղենքը վայր դնելուց: Այդ շենքը խան-
գարում է մեր հետագա առաջխաղացմանը: Գումարտա-
կի հրամանատարը սպասում է ձեր որոշմանը:

— Հաղորդեցեք մայոր Վասիլեին, որ նա գործի
այնպես, ինչպես սովորեցնում էր մեզ ռուսական հան-
ձարեղ գրող Մաքսիմ Գորկին, հասկացա՞ք:

— Հասկացա, ընկեր ղեներալ: Եթե թշնամին անձ-
նատուր չի լինում, նրան ոչնչացնում են: Ուրեմն պայ-
թեցնե՞նք տունը...

— Այո, պայթեցրեք, — հաստատեց ղեներալը:

Մայոր Վասիլեը անմիջապես գործի գրեց իր գու-
մարտակի սակրավորներին: Շենքը պայթեցվեց:

Ժամ առ ժամ, բույս առ բույս քաղաքի բոլոր ծա-
րամասերում ավելի ու ավելի էին թեփանում մարտական
գործողությունները: Սովետական զորամասերի ճնշումը
քանի զնում, այնքան ուժեղանում էր: Ֆաշիստները այլևս
չկարողացան դիմանալ մեր զորքերի հարվածներին:
1944 թվականի օգոստոսի 25-ին Տարսուս քաղաքի վրա
նորից ծածանվեց Սովետական դրոշը:

Նույն օրը, երեկոյան, ռադիոյն տմբողջ աշխարհով
մեկ հաղորդեց Տարսուսի գրավման ուրախալի լուրը:

Ի նշանավորումն ձեռք բերած հաղթանակի, մեր
Հայրենիքի մայրաքաղաք Մոսկվան նորից սալյուտ տվեց
22-ի հրանոթից արձակված հրետանային քսան համա-
գարկով:

Տարսուսի ազատագրմանը մասնակցած հա-
յուրավոր ռազմիկներ արժանացան կառավարական
պարգևների: Գեներալ-մայոր Կարապետյանի կուրծքը
զարդարվեց Կարմիր Դրոշի երրորդ շքանշանով:

Հենց այդ օրերին էլ Կարապետյանի դիվիզիայում
գտնվող սկսնակ պոետ Ալեքսանդր Լիսինը հորինեց
Օստրովյան Կարմիր Դրոշի շքանշանակիր հրաձգային

դիվիզիային նվիրված երգ, որը ավարտվում է հետևյալ տողերով.

Будут снова бои,
На знамена свои
Новых подвигов имя запишем.
Будем так воевать,
Чтобы Родина-мать
Нашу поступь победную слышала.

Այդ երգը խսկույն տարածվեց դիվիզիայի բոլոր ստորաբաժանումներում: Օստրովյան Կարմրագրոշ դիվիզիայի հերոս ռազմիկները մեծ սիրով էին գովերգում իրենց միավորման մարտական փառքը:

ԴԵՊՈՒ ՌԻԳԱ

Վրա հասան աշնանային սառնաշունչ օրերը: Դեղնագույն տաքալ հագնան անտառներն ու դաշտերը: Ավելի հաճախ սկսվեցին տեղալ հորդառատ անձրևները:

Մերձբալթյան առաջին, երկրորդ և երրորդ ռազմաճակատներում զորամասերի խոշոր վերախմբավորում էր տեղի ունենում: Այստեղ պատրաստվում էր թշնամուն ջախջախելու միասնական, խոր մտածված և հաջողութվամբ իրականացված սլանի բաղկացուցիչ մասը կազմող ութերորդ հարվածը, որի նպատակն էր Սովետական Մերձբալթիկան լիովին մաքրել ֆաշիստական զավթիչներից:

Կարապետյանի դիվիզիան առաջադրանք ստացավ շարժվել Ռիգայի ուղղությամբ և անմիջական մասնակցութուն ցույց տալ Լատվիական Սովետական Սոցիալիստական Ռեսպուբլիկայի մայրաքաղաքի ազատագրմանը:

Հերոսաբար հաղթահարելով թշնամու հենակետերը, սովետական հարձակվող զորքերը ընդհուպ մոտեցան զերմանացիների առաջակզրին:

Հակառակորդի սլաշտպանագիծը բաղկացած էր խրամատների խիտ ցանցից: Նրանց միջև ընկած տարածությունը ամբողջովին ականապատված էր:

Այդ օրերին գեներալ-մայոր Կարապետյանի դիվիզիայի խիզախ հետախուզիչները մի քանի «լեզու» բերեցին, որոնք սլառմում էին այն մասին, թե Ռիգայի սլաշտպանությունն ամրապնդող այդ արտաքին պատնեշը իրենց մոտ ստացել էր սլաշտպանության «ձմեռային» բնադիծ անունը: Որ Հիտլերը իր զինվորներին ուսույաններին հրամայել է ոչ մի քայլ չնահանջել, ոչ մի զեպքում ձեռքից բաց չթողնել Ռիգան:

Հրետանային երկարատև կրակից հետո, որը տակն ու վրա արեց թշնամու սլաշտպանագիծը, տանկերի և ինքնընթաց հրանոթների ուղեկցությամբ մարտի նետվեցին հետևակային զորամասերը: Թշնամու սլաշտպանության մեջ ստեղծված ձեղքվածքը լայնացնելու և խորացնելու համար սովետական մյուս զորամասերի հետ միասին մարտ մտան նաև գեներալ Կարապետյանի զորագնդերը:

Ջրային արգելքները հաղթահարելու մեծ փորձը գեներալ Կարապետյանի ստորաբաժանումներին հնարավորություն տվեց սրընթաց հարվածով տիրել Գաույա գետի ստորին հոսանքում եղած գետանցերը: Գերմանացիների վրա ուղղված հրացանա-գնդացրային կրակի ուժեղ տարափի աջակցությամբ միավորման գնդերը և նրանց հարևան զորամասերը հաջողությամբ անցան գետն ու շարունակեցին հետապնդել խուճապի մատնված թշնամուն, թույլ չտալով, որ նա ուշքի գա:

Բայց ահա հարձակվող գնդերի առաջ ծառացավ հակառակորդի մի ուժեղ խմբավորում: Սրանք կատաղի

դիմադրությունն էին ցույց տալիս: Մայր Սափրոնովի դումարտակի մարտիկները, որոնք դաժնում էին առաջավոր շարքերում, ձեռնամարտի բռնիքին թշնամու դիմորդների հետ: Նրանք թափանցեցին դերմանացիների խրամատները և սկսեցին ոչնչացնել ֆաշիստներին: Շուտով հիտլերականների հետ ձեռնամարտ սկսեցին նաև մյուս ստորաբաժանումների ռազմիկները: Իսկ դրնդերից մեկը հաջող շրջանց մաներ կատարելով, անցավ հիտլերականների այդ խմբավորման թիկունքը:

Սարսափելով շրջապատման վտանգից, հակառակորդի զինվորներից շատերը թողնում էին իրենց դիրքերն ու փախչում դեպի մոտակա անտառները, իսկ ոմանք էլ սպիտակ դրոշ էին բարձրացնում ու դերի հանձնվում:

Մեր ղորամասերը որքան ավելի էին մոտենում Ռիդային, այնքան ավելի էր ուժեղանում դերմանացիների դիմադրությունը: Միավորման գնդերը հարկադրված եղան խրամատավորվել մի դերիշխող բարձունքի մոտերքում, որից հակառակորդը ուժեղ կրակ էր վարում: Հարձակման տեմպը չթուլացնելու և հարևան ղորամասերից ետ շմնալու համար Կարապետյանը որոշում քնդունեց շրջանցել այդ բարձունքը:

Բարձունքի աջ կողմում ծառախիտ անտառ էր ձգվում: Կարապետյանը հրամայեց մի ուժեղացված գրոհային խումբ կազմել, և աննկատ, անտառի միջով թընամու թիկունքն ուղարկել: Այն ժամանակ, երբ գրոհային խումբը ուղղվեց դեպի թշնամու թիկունքը, մյուս ստորաբաժանումները ավելի ուժեղացրին իրենց ճակատային հարվածը: Մի գրոհային խումբ էլ ուղղվեց դեպի բարձունքի ձախ կողմը: Բարձունքը առնվեց կիսաշրջանակի մեջ: Մերոնց ճակատային հարվածները դեռ շարունակվում էին, երբ գրոհային խմբի ղեկն անցած գլարդիայի կապիտան Սեմյոնովը ռազիոյով հաղորդեց,

որ իրենք արդեն դուրս են եկել թշնամու թիկունքը ու պատրաստ են թիկունքից հարձակվելուն:

Կարապետյանը հրամայեց գրոհել: Դա շփոթության մեջ պեղծեց դերմանացիներին: Իրենց թիկունքում նկատելով սովետական զինվորներին, նրանք կարծեցին, որ արդեն շրջապատվել են և անձնատուր եղան: Հենց այստեղ էլ մեր զինվորները սպանված հիտլերականներից մեկի գրպանում մի նամակ գտան, որում գրված էր.

«Ռուսները չորս կողմից սեղմում են: Մենք դեռ շարունակում ենք նահանջել և ավելի ու ավելի ենք մոտենում բուն Գերմանիային: Դրությունը ծանր է: Երևի սպանվեց Հանսը: Շուտով դուք ես էլ զնամ այն աշխարհը: Շատ եմ ցափում, որ նորից չենք կարողանա տեսնվել: Բայց ինչ արած: Մեր բախտն այդպես է: Անտված դիտե թե դեռ ինչիս է գալու մեր գլխին»:

Գերմանական մի ուրիշ զինվորի մոտ գտնված նամակում ասվում էր.

«Երևի ինձ և շատ ուրիշների ժամկետից շուտ դուրս գրեցին գոսպիտալից և դեպի սուաջավոր գիծ ուղարկեցին: Վերքս դեռ կարգին չի լավացել, բայց ստիպված եմ դարձյալ հրացան վերցնելու ձեռքս: Մենք հիմա գտնվում ենք մի բարձունքի վրա: Տեղներս ապահով է: Այստեղից դժվար թե ռուսներին հաջողվի քշել մեզ»:

Մեկը մյուսին հաջորդելով շարքից դուրս էին գալիս դերմանական պաշտպանադժեքը: Նրանք մնացին մեր զորամասերի խոր թիկունքում:

Այսպիսով, գերմանական զավթիչների բոլոր փորձերը՝ շահել ժամանակը, մի կերպ կանգնեցնել մեր զորքերի հարձակումը, մինչև որ վրա հասնի լատվիական յանձրեառատ ու մառախլապատ ձմեռը և անանցանելի

դառնան ճահճոտ մարդերը, — ոչ մի արդյունք չտվեցին: 2-րդ և 3-րդ Մերձբալթյան ռազմաճակատների զորքերը շարունակում էին կենտրոնանալ Ռիգայի շուրջը: Առաջավոր զորամասերը թե՛ արևելքից և թե՛ հյուսիսից արդեն ընդհուպ մոտեցել էին քաղաքին:

Գնեհերսլ Կարապետյանի գլխիվզիան դառնում էր հյուսիսից հարձակվող սովետական զորամասերի շարքերում: Խորտակելով հիտլերականների դիմադրությունը, նրա զնդերը մարտերով առաջ էին շարժվում:

Զգալով իրենց մոտալուտ պարտությունը, հիտլերականները հրդեհում էին քաղաքի շենքերը: Նրանք պայթեցրել էին ջրմուղը, էլեկտրակայանը, Արևմտյան Դվինայի վրայով անցնող երկաթուղագծային և մարդադնաց կամուրջները: Թեժ կրակի բոցերով էր կլանված «Հռոմ» հյուրանոցի շենքը: Ռիգան պարտւելած էր ծխի ու կրակի մեջ: Ռիգան փրկելու էին շտապում, որպես հոգատար մայրը իր զաւակին՝ Սովետական փառապանծ Բանակի հերոս ռազմիկները:

Նվ ահա, հաղթահարելով հակառակակային բոլոր արգելքները, մեր խիզախ տանկիստները սրբնթաց մտան քաղաք: Տանկիստների հետ միասին քաղաք մտան նաև հետևակային զորամասերը: Ծավալվեցին փողոցային մարտեր:

Կարապետյանի հրամանատարությունամբ մարտնչող ռազմիկները դարձյալ արիություն, հերոսության և ռազմական բարձր վարպետության սքանչելի օրինակներ ցուցաբերեցին:

Հոկտեմբերի 13-ի արշալույսին սովետական ռազմիկները զրավեցին քաղաքի նավահանգիստը: Նույն օրվա վերջում Ռիգան ամբողջովին մաքրվեց հիտլերականներից:

Սովետական Լատվիայի մայրաքաղաքը՝ ռազմածովային կարևոր բազան, գերմանացիների պաշտպա-

նության հզորագույն հանգույցը Մերձբալթիկայում, անցավ սովետական ղորքերի ձեռքը: Այդ մարտերում միայն դեներալ Կարապետյանի ղնդերը, որպես ռազմավար, վերցրին 30 հրանոթ, 50-ից ավելի գնդացի, մոտ 1.000 հրացան, մեծ քանակությամբ ականներ և տասնյակ ավտոմեքենաներ:

Հետապնդելով նահանջող հակառակորդին, Սովետական Բանակի ղորամասերը Տոկումսի և Լիբավայի միջև ուրցանի մեջ առան ֆաշիստական 30 դիվիզիա և նրանց ոչնչացնելու մարտեր ծավալեցին:

ԲԵՈՒԻՆԻ ԿՐՈՀԸ

Բեռլինի համար մղված մարտերը, որոնք սկիզբ էին առել դեռ Ստալինգրադի մատուցներում և Կովկասյան նախալններում, հանդիսացան գվարդիայի գններալ-մայոր Կարապետյանի ռազմի դործողութունների՝ եզրափակիչ ու վհհալանծ ճակատամարտերից մեկը:

Սովետական ղորամասերը, ինչպես և գվարդիայի ոեններալ-մայոր Կարապետյանի ղորագնդերը, որոնք 1945 թվականի փետրվարին թափանցեցին ֆաշիստական Գերմանիայի սահմանները, արդեն օժտված էին հարձակողական մարտեր վարելու հարուստ փորձով: Նրանք անցել էին տասնյակ դաժան ճակատամարտերի կրակի ու բոցի միջով:



Բարակ անձրև էր մաղում: Պոմերանիան ձմռան խոնավ ու տխուր հղանակով դիմավորեց Սովետական Բանակի ռազմիկներին,

Գերմանացիները փորձում էին կանգնեցնել հարձակվող ղորամասերի առաջխաղացումը և շթողնել,

որպեսզի սովետական զորքերը թափանցեն Գերմանիայի խորքերը: Օրինակ, Նոյվեդել քաղաքը իրենց ձեռքում պահելու համար թշնամին մի քանի անգամ հակազորոհի անցավ: Քաղաքի մատուցյցներն այնպիսի խառնվյալ էին տկանապատված, որ յուրաքանչյուր անգլից զայլ կարող էր մահաբեր լինել: Կարապետյանի ղորամասերը շրջանցեցին այդ քաղաքը և թիկունքային հարվածով դրավեցին այն:

Կարված ու կատարելի բնույթ էին կրում Դրամբուրդ քաղաքի համար մղվող մարտերը: Այդ մարտերում իրենց հերոսական սխրագործությամբ աչքի ընկան Սովետական Միության Հերոս մայոր Նովոսելցևի գումարտակի ռազմիկները:

Գնդացրային և տկանանետային ուժեղ կրակի աջակցությամբ նրանք սրընթաց հարվածով գուրս եկան քաղաքի արվարձանները և սկսեցին քաղաքի գրոհը:

Փողոցային կարճատև մարտերից հետո մայոր Նովոսելցևի գումարտակը լիովին տիրեց քաղաքին:

Գերի վերջրած գերմանական ղինվորներից բացի, մերոնք քաղաքում չգտան ոչ մի կենդանի մարդ, ոչ մի տեղական բնակիչ: Գերմանական բնակչությունը, ահաբեկված ֆաշիստական ստահոգ սլոտպագանդայով, փախչում էր սովետական զորքերից, թողնելով ամբողջ ունեցվածքը:

Քաղաքներում և գյուղերում ափրում էր քաոսային դրություն:

Բուն Գերմանիայից կտրված հիտլերյան զորքերի Պոմերանյան խմբավորումը անկանոն կերպով շարժվում էր դեպի ծովափ, որպեսզի ծովով դեպի արևմուտք փոխադրվեր: Բայց ավաղ: Նրանց բախտն արդեն կանխորոշված էր: Ալեկոծված Բալթիկ ծովը ոչ մի փրկություն չէր խոստանում նրանց:

Ռազմաճակատի այդ հասվածում գերմանացիներին հասցվող հարվածը քանի զնում այնքան ավելի ուժեղանում էր: Մեկը մյուսի ետևից պարտվում էին գերմանական քաղաքները: Դրամբուրգից հետո ընկավ և Լաբեսը: Շուտով պարտվեցին Կնուբուշը և Գրոս-Ֆուստինը:

Սովետական Միության Հերոս Նովոսելցևի դամարտակը առաջինը դուրս եկավ ծովափ, նրան հետևեցին նաև դիվիզիայի մյուս ստորաբաժանումները: Ծովափի այս հատվածում ընկած էին հիտլերականների դիակները, ջարդված ավտոմեքենաներ, սալեր, հրանոթներ, զնդացիներ և ռազմական այլ տեխնիկա: Ծովափ էին հասել նաև գերմանական քաղաքացիական բնակչության շատ ընտանիքներ:

...Ահա մի գերմանացու ընտանիք կուշ է եկել խարույկի շուրջը ու տաքանում է նրա աղոտ կրակով: Նրանց սալը հասել է ծովափին և այլևս առաջանալ չի կարող:

— Այդ ո՞ւր եք զնում «հաղթողներ», — ռազմիկներից մեկը դիմեց խարույկի մոտ կուշ եկած գերմանացուն:

— Էլ ո՞ւր պիտի զնանք, — դողդոջուն ձայնով պատասխանեց հուսալիտուր գերմանացին. — ծովը կրտրեց մեր ճամբան: Մեղ ասում էին, որ դուք կենդանի չեք թողնի և ոչ մի գերմանացու, որ դուք սրի կմատենք բոլորիս: Դրա համար էլ փախուստի դիմեցինք: Մենք Դրամբուրգից ենք: Խնդրում եմ ճիշտն ասեք, հո չե՞ք սպանի մեզ...

— Մենք խաղաղ բնակչության դեմ կռիվ չենք մղում, — պատասխանեց զինվորը, — կարող եք ետ դանալ ձեր տունը: Մեր բանակի ռազմիկները ոչնչացնում են միայն նրանց, որոնք զենքը վալը չեն զնում և շարունակում են դիմադրել:

Գերմանացին ասլռեց: Նա կարծեց, թե հանաք է անում ուս զինվորը: Բայց հետո, երբ նրանց կողքով

անցան միավորման մյուս ստորաբաժանումները, իսկ մի բեղավոր զինվոր անգամ շաքար տվեց նրա կիսաբաղց մանկիկին, նա նոր զգաց, թե որքան ստահող և զրպարաիշ էր Սովետական Բանակի հասցեին ուղղված դերմանական պրոպագանդան:

Սովետական ղորքերը գլխովին ջախջախեցին գերմանացիների Պոմերանյան խմբավորումը: Այդ օպերացիայում նշանակալից դեր խաղաց նաև գինեբալ Կարապետյանի միավորումը:



...Օդերը հիտլերյան հրոսակախմբերի սլաշապահուկթյան վերջին և ամենահուսալի բնագիծն էր:

Ֆաշիստական հրամանատարութունը օգտագործել էր ռազմական տեխնիկայի բոլոր միջոցները, որպեսզի անանցանելի դարձնի այդ հորդաուստ գետը:

Դեպի Օդերը տանող խճուղիների վրա գտնվող յուրաքանչյուր բնակավայր հենակետի էր վերածվել: Փողոցներում կառուցված էին բարիկադներ:

Հաղթահարելով գերմանացիների կողմից ստեղծված ամրությունները, Կարապետյանի միավորումը, հարևան զորամասերի հետ սերտ փոխգործողությամբ, դուրս եկավ Օդերի ափը և անմիջապես ձեռնամուխ եղավ գետանցի կազմակերպմանը:

Պետք է նշել, որ մինչև այժմ կատարած գետանցելից Օդերի անցումը ամենագովարինն էր: Ֆաշիստները անընդհատ կրակի տակ էին սլահում գետի վրայով դցած ամեն մի կամուրջ: Այստեղ առանձնահատուկ վարպետություն ու խիղախություն ցուցաբերեցին մայր իվանցովի սակրավորները: Մյուս ստորաբաժանումների ռազմիկների հետ միասին նրանք կարճ ժամանակամիջոցում պոնտոնային կամուրջ դցեցին:

Սկսվեց գետանցը:

Հիալերականները կրակով կամուրջին հասցված ամեն մի վնասվածք սակրավորներն իսկույն վերացնում էին և իրենց ջանասեր աշխատանքով ապահովում դիվիզիայի անձնակազմի փոխադրումը գետի մյուս ափը:

Առաջին երկու օրը միայն պիշերվա պահին էր կատարվում գետանցը: Բայց հետո, ժամանակ շահելու համար, կամուրջը շահագործվել սկսվեց նաև ցերեկով: Մեկը մյուսի հետևից փոխադրվում էին թնդանոթները, ականանետերը և ինքնընթաց հրանոթները: Հետևակային զորամասերից հետո գետն անցան զինամթերքով բեռնըված ավտոները:

Չնայած գերմանացիների հրետանային անընդհատ կրակին և ռմբակոծությանն, գետանցը շարունակվում էր: Կամուրջը տնքում էր ռազմի այդ հաղթական երթի ծանր բեռան տակ:

Մի քանի օր անց, դիվիզիայի ամբողջ անձնակազմն արդեն գտնվում էր գետի արևմտյան ափին:

Սկսվեցին Բեռլինի դրոհի նախապատրաստական աշխատանքները:



Ասլրիլ ամիսն էր: Եղանակները գնալով տաքանում էին, օրերը երկարում:

Գլխարդիայի գեներալ-մայոր Կարապետյանի միավորումը, որն այն ժամանակ գործում էր 1-ին Բելոռուսական ռազմաճակատի կազմում, առաջադրանք ստացավ ամենաառջևում գտնվող զորասյուների թվում մասնակցել Բեռլինի գրոհին: Ոգևորված դրանով, ռազմիկները սկսեցին ջանասիրաբար պատրաստվել գալիք մարտերին: Հրաձիգներն ու հրետանավորները կարգի էին բերում իրենց զենքն ու հանդերձանքը, կապավորներն ու սակրավորները՝ իրենց տեխնիկան:

Հրամանատարական կազմը անցավ Բեռլինի հասակագծի ուսումնասիրմանը:

Դիվիզիայի շտաբի օպերատիվ աշխատողների հետ Բեռլինի հատակագիծը ուսումնասիրում էր նաև գեներալ Կարապետյանը:

Օր ու գիշեր չէին դադարում նախապատրաստական աշխատանքները: Գեներալը ցերեկները սլարապմունքներ էր անցկացնում շտաբային սպաների և միավորման անձնակազմի հետ: Ստուգում էր նախապատրաստության ընթացքը, հրահանգներ ու ցուցումներ էր տալիս: Իսկ երբ վրա էր հասնում երեկոն, նա մինչև արշալույս ղրաղվում էր Բեռլինի հատակագծի ուսումնասիրությանը, սլանալորում իր ղորադնգերի առաջիկա գործուղությունները:

— Մենք լարվածությամբ էինք պատրաստվում Բեռլինի դրոհին, — ասում է գեներալ Կարապետյանը: — Չնայած անցկացրած բազմաթիվ անքուն գիշերներին, հոգնածություն չէինք զգում: Մեծ եռանդով էին գործում բոլորը: Մեր աշխատանքը մի ակնթարթ անդամ դադարեցնել չէին կարող ո՛չ գերմանացիների հրետանային կրակը և ո՛չ էլ նրանց օդային հարձակումները: Մեր ամբողջ անձնակազմը զգում էր, որ Բեռլինյան ճակատամարտը ծանր ու դժան է լինելու, որ Բեռլինի անկումը հիսլերյան Գերմանիայի անկումն է, և դրա համար բազմապատկված ուժերով էր գործում:

1945 թվականի ապրիլի 14-ի լուսաբացին սկսվեց Բեռլինյան ճակատամարտը:

Օդերի արևմտյան ափերին ստեղծված պլադարմներից խորտակիչ կրակ բացեցին սովետական հրետանավորները: Հրետանային այդ շտեմնված ուժի հարձակմանը մասնակցում էին 41.600 հրանոթներ ու ականանետեր: Ռազմադաշտը լուսավորված էր հազարավոր լուսարձակների աչք կուրացնող լույսով, որոնք հրետա-

նային հզոր կրակի հետ միասին ավելի մեծ սարսափ էին տարածում զերմանացիների վրա:

Թշնամին դիտեր, որ սուլետական զորքերը պատ-
րաստվում էին վճռական հարձակման, որ նրանք շարժ-
վում էին դեպի Բեռլին: Բայց նա երբեք չէր սպա-
սում այդպիսի կենտրոնացված հարվածի, այդպիսի
հզոր ուժի: Հավատալով Գերեխի սլոտսադանդային,
նրանք կարծում էին, թե Կարմիր Բանակը վաղուց հյուժ-
վել ու արյունաքամ է եղել, որ նա արդեն ընդունակ չէ
ուժեղ հարվածներ հասցնելու և որ դարնան ջրերը կկլտ-
րեն սուլետական զորքերի ուղին: Սակայն հրետանային
սարսափը հողմացրիվ արեց խաբված հիտլերականների
այդ կարծիքը: Նրանք դարձյալ զգացին Կարմիր Բանակի
հարձակողական ուժը և նրանցից շատ շատերի համար
դա վերջին տպավորությունը հանդիսացավ Սուլետական
Ձինված Ուժերի հզորություն և ռազմական վարպետու-
թյան մասին:

Երբ դադարեց հրետանային կրակը, գրոհի քարձրա-
ցավ հետեակը: Մարտ նետվեցին ավելի քան 6.300 տան-
կեր ու ինքնընթաց հրանոթներ: Օդից հարվածել սկսե-
ցին ինքնաթիռները:

Դեպի Բեռլին շարժվող ռազմիկների ոգևորությամբ
չափ ու սահման չկար: Գեներալ Կարապետյանի դիվի-
զիան հարձակվում էր երրորդ հարվածային բանակի
առաջին զորաշարքում:

Մի սիրտ, մի հոգի դարձած, ուստի մեծ ժողովրդի
դյուցազն զավակների հետ կողք-կողքի, ուս-ուսի դեպի
վճռական մարտի էին նետվում ուկրաինացիներն ու բե-
լոռուսները, ուզբեկներն ու ղազախները, ադրբեջանցի-
ներն ու վրացիները, թուրքմեններն ու տաջիկները, հա-
յերն ու լատիշները և սուլետական բազմազգ ժողովրդի
շատ ուրիշ ազգությունների պատկանող զավակներ:
Նրանք մարտի էին նետվում Սուլետական Հայրենիքի

սլատովի, աղատության և անկախության համար, խաղաղասեր մարդկությանը ֆաշիստական զավթիչներից ազատագրելու համար:

Այդ պատմական օրերին ցնծադին հուղմունքով էր լցված Կարապետյանի դիվիզիայի շարքերում մարտնչող յուրաքանչյուր ռազմիկի սիրտը: Մոռացության տալով քունն ու հանգիստը, նրանք դործում էին բազմապատկված ևռանդով, սիրով ու պատրաստակամությամբ կատարում տմեն մի հրաման, յուրաքանչյուր առաջադրանք:

Ահաբեկված թշնամու դիմադրությունը քանի գնում, այնքան ավելի էր ուժեղանում: Ֆաշիստները անընդհատ մարտադաշտ էին նետում թարմ ուժեր: Դաժան մարտեր էին տեղի ունենում օդում: Հակառակորդը գործի էր դրել իր ամենաուժեղ և օդային մարտերում լավ մարզված ճ-րդ օդատորմիղը: Նրանք ձգտում էին ռմբակոծել մեր թիկունքները, մշտական հարվածի տակ էին պահում կոմունիկացիաները: Պատահում էին օրեր, երբ սովետական կործանիչները ստիպված էին լինում հարյուրից ավելի օդային գոտեմարտեր վարել:

Մահամերձ թշնամին կատաղի դիմադրություն էր ցույց տալիս: Ճզմելով ֆաշիստական տեխնիկան ու կենդանի ուժը, Սովետական Բանակի ռազմիկները համարձակորեն առաջ էին շարժվում:

Գններալ Կարապետյանը գտնվում էր դիվիզիայի առաջնորդում, փոխգնդապետ Կլիմենկոյի գնդում, և այնտեղից էլ ղեկավարում էր միավորման մարտական գործողությունները:

Ապրիլի 22-ին դիվիզիան հասել էր Բեռլինի արվարձանները, իսկ Սովետական Միության Հերոս՝ մայոր Նովոսելցևի գումարտակն արդեն փողոցային մարտեր էր մղում Բեռլինը սլաշտպանող ֆոլկսշտուրմականների

դեմ: Բեռլինի յուրաքանչյուր տունը, ամեն մի պատուհանը վերածված էին կրակակետերի:

Այստեղ գոյություն չունեի ռազմաճակատի մի ընդհանուր դիմ: Այն սլահին, երբ դիվիզիայի գրոհային խմբերը մարտեր էին վարում քաղաքի կենտրոնական թաղամասերում, նրանց թիկունքում քաղաքի արվարձաններում հրահրվում էին նոր մարտեր: Դիվիզիայի գումակային ու տնտեսական ստորարաժանումները ձեռնամարտ էին մղում ֆաշիստների ջլատված, բայց դեռ մարտ մղելու ընդունակ խմբավորումների դեմ:

Նման մարտերից մեկում աչքի ընկավ Ռուդենկոյն գումարտակի խոհարար Սուրիկովը: Նա իր խոհանոցը կանգնեցրել էր մի տան մոտ և երկու մարտիկների շահությամբ ճաշ էր պատրաստում: Այդ սլահին Սուրիկովը նկատեց, որ տան նկուղում ինչ որ մարդիկ կան: Գերմանացիները նկուղի պատուհանից զննացրային կրակ քաց արին: Սուրիկովի հետ գործող ռազմիկներից մեկը վիրավորվեց: Սուրիկովը կարգադրեց վիրավորված ընկերոջը տեղափոխել թաքստոց, իսկ ինքը մեկը-մյուսի ետևից երեք ունակ նետեց նկուղում բռն դրած գերմանացիների վրա: Գնդացիք լռեց:

Արյունահեղ գոտեմարտ տեղի ունեցավ Բեռլինի պուրակներից մեկում, հիվանդանոցի մոտ: Այստեղ գերմանացիները հակադրոհ դիմեցին տանիների աջակցությամբ: Գնեերալը հրետանավորներին հրամայեց ուղղակի նշանառությամբ ոչնչացնել գերմանական տանիները: Հրամանն իսկույն գործի վերածվեց: Սերժանտ Տիխոնովի հաշվարկը ուղղակի նշանառության հանեց իր հրանոթը և հենց առաջին կրակով հրկիզեց գերմանական մեքենաներից մեկը: Տանիերի դեմ մենամարտի դուրս եկան նաև հակատանկային հրացաններով զինված ռազմիկները: Հիտլերականների հակադրոհը ձախողվեց:

Միավորման շտաբը արդեն հասել էր Բեռլինի հյուսիս-արևմտյան մասը և տեղադրվել Գերցբերգշտրասսի կոչվող փողոցի վրա գտնվող տներից մեկում: Իսկ ինքը՝ գեներալը շտաբի օպերատիվ խմբի հետ հասել էր քաղաքի Ալեքսանդր Պլաց հրապարակը: Մարտեր էին մղվում հրապարակը զրավելու համար: Գծային կապը հաճախակի խախտվում էր: Մարտական դորժողությունները գեներալը ղեկավարում էր ռադիոկապի և կապավոր զինվորների միջոցով: Գվարդիայի ավագ լեյտենանտ Վարդանյանի և կապավորներ Սամոխինի, Հասանովի, Արիստակեսյանի ու Պավլենկոյի ջանասեր գործունեության շնորհիվ, ռադիոկապը երբեք չէր ընդհատվում:

Մոլենդորֆ շտրասսեից գեներալին ղեկուցում են, որ գնդի հրամանատար փոխգնդապետ Կլեմենտևը ծանր վիրավորված է: Գեներալը գնդի շտաբի սլետ մայոր Գորելովին հրամայում է փոխարինել նրան: 24 տարին հազիվ լրացած երիտասարդ սպան իր վրա է վերցնում գնդի հրամանատարությունը և, հմտորեն ղեկավարելով փողոցային մարտերը, շուտով զրավում է փողոցի բոլոր կարևոր շենքերը:

Հաղթահարելով գերմանացիների դիմադրությունը, ճշտորեն կատարելով մարտական առաջադրանքը, Գորելովի գունդը առաջինը դուրս եկավ Շպրեյի գետի ափը: Հորդառատ Վոլգայից, Խաղաղ Դոնից մինչև Շպրեյի՝ ահա երիտասարդ սովետական սպայի մարտական ուղին:

* * *

Ալեքսանդր Պլաց հրապարակում շարունակվում էին արյունահեղ մարտերը: Դարձյալ մարտադաշտ են նետվում գերմանական տանկեր, ավելի ակտիվորեն են գործում «ֆաուստայինները»: Նորից ուղղակի նշանառու-

թյան են դրվում հրանոթները: Սկսվում է մենամարտը տանկերի դեմ:

Այդ գոտեմարտում իր խիզախությամբ աչքի է ընկնում կոմերիտական Ալեքսանդր Յիգանովը: Նա հենց գերմանացիներից խլած «Փառատ» փամփուշտներով Ալեքսանդր Պլաց հրապարակի վրա դուրս եկող շենքի պատշգամբից հրկիզում է գերմանական երեք տանկ:

Ալեքսանդր Պլացը մաքրվում է գերմանացիներից: Անհավասար մարտերում ցուցաբերած սխրագործության համար սերժանտ Ա. Յիգանովը ներկայացվում է Սովետական Միության Հերոսի բարձր կոչման:

«Ֆառատ» փամփուշտների գործադրման Ալեքսանդր Յիգանովի փորձը անմիջապես տարածվում է դիվիզիայի մյուս ստորաբաժանումներում: Սովետական ռազմիկները սկսում են թշնամուն հարվածել հենց իր զենքով:

Գտնվելով հարձակվող սովետական զորքերի պողպատե օղակում, հիտլերյան հրոսակախմբերի բեռլինյան կայազորը օրավուր հյուծվում ու ջլատվում էր:

Մարտերը սրընթաց էին և անդադար: Մի գոտեմարտին անմիջապես հաջորդում էր մյուսը: Հապաղել՝ նշանակում էր լքել ռազմի դաշտը, թույլ տալ, որ թշնամին ուշքի դա ու հակադրոհի անցնի: Անհրաժեշտ էր լարել բոլոր ուժերը, հաղթահարել ամեն մի դժվարություն: Ցուցաբերել ռազմական խորամանկություն, արիություն, ու խիզախություն: Իսկ այդ ամենը ընդունակ էին ցուցաբերելու Սովետական Բանակի ռազմիկները, կոմունիստական պարտիայի կողմից դաստիարակված սովետական մարդիկ:

Այդ օրերին շատ լարված էր աշխատում գեներալը: Նա ղեկավարում էր ոչ միայն դիվիզիայի ընդհանուր գործողությունները, այլ նաև մարտական առաջադրանքներ էր տալիս առանձին գումարտականների, դասականների և անգամ առանձին ռազմիկների:

Դժվար էր առանց ռազմագաշտը դիտելու մարտեր վարել, և ավելի ծանր, երբ բացակայում է ռազմաճակատի մի ընդհանուր գլիծ: Սակայն, ունենալով մարտական հարուստ փորձ, գվարդիայի զեներալ-մայոր Կուրասկոյանը հմտորեն էր ղեկավարում մարտական գործողությունները և սլառվով կատարում վերադաս հրամանատարությունից ստացվող ամեն մի առաջադրանք:

Իրենց հայրենասիրական սլառքը, Հայրենիքին տված զինվորական երգումը փութաջանորեն ու անձնադուհ կիրպով էին կատարում նաև միավորման բոլոր ռազմիկները:

Որպես հրամանատար, զեներալը ոչ միայն խստասլահանջ էր, այլև հոգատար: Անգամ մարտերի ամենալարված սլաճմաններում նա ժամանակ էր գտնում անձամբ ղեկավելու ռազմիկներին սննդով ապահովելու, վիրավորներին բժշկա-սանիտարական գումարտակ փոխադրելու և զինվորների կենցաղին վերաբերող ալլ հարցերով:

— Մեր զինվորները քաջ մարդիկ են, համարձակ ու սովորեն, — ասում էր Կարասկոյանը: Նրանք կարող են սարեր շուռ տալ: Սակայն նրանց մասին պետք է մշտասլես հոգալ: Պետք է սիրել նրանց հայրական սիրով: Հոգատարությունը չպետք է սահմանափակվի միայն նրանով, որ զինվորներն ապահովվեն հլութառատ ու համեղ սննդով և հանդերձանքով: Ո՛չ, դա դեռ բավական չէ: Գլխավոր խնդիրը զինվորին մարտական գործը լավ սովորեցնելն է: Բարձրացնել նրա մարտական վարպետությունը, նրա մեջ զարգացնել զինվորական խորամանկություն, ցուցաբերելու հատկություններ, ձեռներեցություն և համարձակություն, նրանց դաստիարակել զգոնության և մշտական մարտական պատրաստության ոգով: Յուրաքանչյուր սլա պետք է իր ենթականերին դաստիարակի ալնսլես, որ թշնամու դեմ մղվող ամենա-

դաժան գոտեմարտում էլ նրանք հաղթող դուրս գան,
արհամարհեն մահը:



1945 թվականի մայիսի 2-ին, ցերեկվա ժամը 15-ին
Բեռլինը պարտվեց:

Գերմանական մայրաքաղաքի փողոցները լցվեցին
զերի հանձնված հիտլերյան զինվորների երկար ու ձիգ
շարաններով: Նրանք շարժվում էին Ունտեր-գեն Լինդե-
նով, Ֆրիդրիխ շտրասսեով, Ֆրանֆուրտեր ալեյով: Յու-
րաքանչյուր զորասյան առջևից քայլում էին գերմանա-
կան պարտված գեներալները և սպաները:

Մեծ աշխուժություն էր տիրում արքայական հրա-
պարակի վրա բարձրացող հսկայական մոխրագույն
շենքի թե՛ մոտերքում և թե՛ ներսում: Սա հիտլերյան
ռայխստազն էր: Հիտլերյան հորդանները այս շենքից էին
հրաման ստացել 1941 թվականի հունիսի 22-ին ուխ-
տագրժոռեն հարձակվել Սովետական Միության վրա:
Այս մռայլ շենքից էին հրամաններ արձակվում սովե-
տական մարդկանց խոշտանգելու և բնաջնջելու, սովե-
տական գյուղերն ու քաղաքները սրի ու հրի մատենելու
համար: Այդ շենքի գլխավերևում այժմ փողփողում էր
հաղթանակի դրոշը: Այդ դրոշը բարձրացրել էին ուս
ոազմիկ Միխայիլ Եգորովը և վրաց զինվոր Մելիտոն
Քանթարիան: Այդ դրոշը Բեռլին էր հասցված բաղմա-
թիվ արյունահեղ ու դաժան գոտեմարտերի բովով:

1945 թվականի մայիսի 2-ը Սովետական Միության
Զինված Ուժերի տարեգրության մեջ մտավ որպես նրա
ամենափայլուն էջերից մեկը: Այդ ցնծալի օրը նշվում է
Գերագույն Գլխավոր Հրամանատարության հատուկ
հրամանով, որում տասնյակ ուս, ուկրաինացի, բելո-
ռուս, վրացի և Սովետական Միության ուրիշ ժողովուրդ-

ների ծոցից դուրս ելած գեներալների շարքում նշված են նաև հայ գեներալներ Ս. Կարապետյանի, Ի. Գասպարյանի, Ն. Սաֆարյանի և Հ. Բաբաջանյանի անունները:

Մեր Հայրենիքի մայրաքաղաք Մոսկվան մայիսի 2-ին ժամը 23-ն անց 30 րոպեին այդ պատմական հաղթանակի սլաուվին, Հայրենիքի անունից, 324 հրանոթի 24 համազարկով սայլուտ է տալիս 1-ին Բելոռուսական և 1-ին Ուկրաինական ռազմաճակատների քաջարի զորքերին:

Բեռլինի համար մղված մարտերում Սովետական Ձինված Ուժերի ռազմիկները, նրանց թվում նաև գեներալ Ս. Ի. Կարապետյանի հրամանատարության տակ դտնըված միավորման անձնակազմը, ցուցաբերեցին մասսայական հերոսություն, անձնազոհություն և ռազմական բարձր վարպետություն: Հազարավոր սպաներ, սերժանտներ ու զինվորներ արժանացան Սովետական կառավարության բարձր պարգևների: Կառավարական մի նոր պարգև՝ Սովորոդի 2-րդ աստիճանի շքանշան, ստացավ նաև գեներալ Կարապետյանը:

* * *

Մինչև իր կյանքի վերջին շունչը Ս. Ի. Կարապետյանը ուժ ու եռանդ չէր խնայում՝ ի փառս Սովետական Հայրենիքի և իր անխոնջ աշխատանքով վայելում էր բոլոր ծառայակիցների, մարտական ընկերների ու բարեկամների անկեղծ սերն ու հարգանքը:

Գլարդիայի գեներալ-մայոր Սերգեյ Իսակիչ Կարապետյանը վախճանվեց 1954 թվականի նոյեմբերի 9-ին՝ 55 տարեկան հասակում:

1920 թվականից գտնվելով ՍՄԿՊ շարքերում, Ս. Ի. Կարապետյանը մշտապես հավատարիմ ու նվիրված է

եղել Կոմունիստական պարտիայի վեհ գործին: Նա ազնւ-
ւորեն էր կատարում սովետական հայրենասերի իր
սրբազան պարտքը Հայրենիքի և ժողովրդի հանդեպ: Նա
Հայրենիքի հավատարիմ զավակն էր, անձնուրաց ղին-
ւորը:



Մեր հարազատ Կոմունիստական պարտիայի իմաս-
տուն ղեկավարութեամբ, մեր մարշալների, ղեկերալների
և սպաների հմուտ հրամանատարութեամբ Սովետական
Զինված Ուժերը փայլուն հաղթանակներ ձեռք բերեցին
Հայրենական Մեծ պատերազմում: ՍՍՌ Միութեան Զին-
ված Ուժերը վճռական դեր խաղացին նաև յապոնական
իմպերիալիստների ջախջախման գործում:

Հակառակ ամերիկա-անգլիական իմպերիալիստ-
ների ուխտագրուժ պլանների, որոնք երազում էին ՍՍՌԻ
պարտութեան և թուլացման մասին, Սովետական Միու-
թեանը և նրա Զինված Ուժերը պատերազմից ավելի ամ-
րակուռ և հզոր դուրս եկան, իսկ իմպերիալիզմի հիմ-
քերը ավելի թուլացան ու խարխւղեցին: Այդ պատերազ-
մում Սովետական Միութեան հաղթանակի շնորհիւ, մի
շարք եվրոպական ու ասիական երկրներ ազատագրու-
ցին իմպերիալիզմի շղթաներից: Այժմ այդ երկրները
Սովետական Միութեան և Զինական Ժողովրդական
Ռեսպուբլիկայի ղխավորութեամբ կազմել են սոցիալիզ-
մի ու դեմոկրատիայի հզոր լագեր, որը միավորում է
900 միլիոն բնակչութուն ունեցող 12 պետութուն: Եթե
մինչև երկրորդ համաշխարհային պատերազմը սոցիա-
լիստական սիստեմին ընկնում էր երկրագնդի տերիտո-
րիայի 17 տոկոսը, բնակչության մոտ 9 տոկոսը և հա-
մաշխարհային արդյունաբերական արտադրանքի ընդա-
մենը 7 տոկոսը, ապա ներկայումս սոցիալիստական
լագերի երկրներին ընկնում են երկրագնդի տերիտորիա-

յի ավելի քան 25 տոկոսը, նրա ամբողջ բնակչության ավելի քան 35 տոկոսը, համաշխարհային արդյունաբերական արտադրանքի մոտ 30 տոկոսը:

Հայրենական Մեծ պատերազմում հաղթանակեցին Մեծ Հոկտեմբերի ծնունդ. Սովետական պետական կարգը, Սովետական Զինված Ուժերը: Պատերազմը նորից ու նորից հաստատեց մեր մեծ առաջնորդ Վլադիմիր Լլյիչ Լենինի մարդարեական խոսքերը. «Ներքե չեն հաղթի այն ժողովրդին,— ասում էր Վ. Ի. Լենինը,— որի մեջ բանվորներն ու գյուղացիներն իրենց մեծամասնությամբ իմացել, զգացել և տեսել են, որ իրենք պաշտպանում են իրենց, Սովետական իշխանությունը՝ աշխատավորների իշխանությունը, որ պաշտպանում են այն դորժը, որի հաղթանակն իրենց և իրենց զավակների համար կապահովի կուլտուրայի բոլոր բարիքներից, մարդկային աշխատանքի բոլոր ստեղծագործություններից օգտվելու հնարավորությունը»¹:

¹ Վ. Ի. Լենին, Երկեր, հատ. 29, էջ 386:



ԲՈՎԱՆ ԴԱԿՈՒԹՅՈՒՆ

	Էջ
Ներածական	5
Առաջին գոտեմարտը	10
Մարտեր Կարատայակի համար	20
Պտախինյան բարձունքը	27
Նեվեյյան օպերացիան	35
Պեչանե բնակավայրի դրամումը	42
Վիլիկայա գետի անցումը	44
Տարտուի ապստաղումը	48
Դեպի Ռիգա	52
Բեռլինի գրոհը	57



ՎԱՐԴԱՆ ԴԱԼՈՒՍՏԻ ՎԱՐԴԱՆՅԱՆ
Գլխարդիայի գեներալ-մայոր
ՍԵՐԴԵՅ ԻՍԱՅԵՎԻՉ ԿՍ.ԲԱՊԵՏՅԱՆ

Պատ. խմբադիր Վ. Վ. Ղազանջյան
Հրատ. խմբագիր Ռ. Խ. Մանոյան
Տեխ. խմբադիր Լ. Ս. Աղիզբեկյան
Վերստուգող սրբագրիչ Ա. Գ. Արզաբանյան

ՎՖ 07330 Հրատ. 1347 Պատվեր 370 ԽՀԽ 377 Տիրաժ 2000
Հանձնված է տպագրության 19/IX 1956 թ.: Ստորագրված է
տպագրության 29/XI 1956 թ.: Հրատ. 2,7 մամուլ, տպագր. $4\frac{2}{3}$
մամուլ + 1 ներդիր, թուղթ $84 \times 108\frac{1}{32}$
Գինը 80 կ.:

Հայկական ՍՍՌ ԳԱ Հրատարակչության տպարան, Երևան,
Արտվյան, 124:

ԳԱԱ Հիմնարար Գիտ. Գրադ.



220032789

7.11.20 80 4.

(084)

